

1 CORINTIOS

Pablo Corinto marãrẽ õãdoredea

¹ Yu Pablo, Sóstenes merã m̄sãrẽ õãdorea. Marĩp̄ gããmederosũta Jesucristo yure ãgũyare buedoreḡ beyepĩmi. Sóstenes Jesure b̄remugã, marĩyaguta ããrĩmi. ² Yu ãgũ merã m̄sã Corinto marãrẽ gojáa. M̄sã Jesucristore b̄remurã, ãgũ merã õãrõ ããrĩsĩã, Marĩp̄yarã ããrã. Marĩp̄ m̄sãrẽ, gajerã ããrĩpererogue marã marĩ Op̄ Jesucristore: “Iritamuka yure!” ãrĩ s̄er̄ãrẽ siudi ããrĩmĩ ãgũyarã ããrĩburo, ãrĩgũ. Jesucristo ãgũsã Op̄ ããrĩmi. Irasũ ããrĩmakũ, marĩdere marĩ Op̄ta ããrĩmi. ³ Marĩp̄ ããrĩnĩgũ, marĩ Op̄ Jesucristo m̄sãrẽ õãrõ iritamu, siuñajãrĩ merã ããrĩrikumakũ iriburo.

Marĩp̄ Jesucristo merã m̄sãrẽ õãrõ iritamumi, ãrĩ gojãdea

⁴ Ëm̄rik̄ yu Marĩp̄re usuyari s̄nĩkõãa Jesucristo iridea merã ãgũ m̄sãrẽ õãrõ iritamumakũ ããgũ. ⁵ M̄sã Cristo merã õãrõ ããrĩmakũ, Marĩp̄ m̄sãrẽ ãgũyamarẽ ããrĩpereri õãrĩrẽ s̄idi ããrĩmĩ. Irasiriḡ m̄sãrẽ õãrõ p̄masĩrĩ merã ãgũyare gajerãrẽ weremakũ, irire masĩmakũ yãmi. ⁶ Marĩp̄ irire s̄igũ, yu m̄sãrẽ: “Cristo õãrõ iritamuḡkumi”, ãrĩderosũta irire iridi ããrĩmĩ. ⁷ Irasirirã marĩ Op̄ Jesucristo dupaturi aariburire yurã Marĩp̄ s̄ĩrĩrẽ opapeokõãa. ⁸ I ãm̄ peremakũguedere ãgũ turari merã m̄sãrẽ Jesucristore b̄remunĩmakũ iriḡkumi. Irasiriḡ marĩ Op̄ Jesucristo dupaturi aarimakũ, marĩrẽ

waja opamerã ããrĩmakũ irigũkumi. ⁹ Marĩpu, ĩgũ: “Ãsũ irigũra”, ãrĩdeare keoro irigũ ããrĩmi. ĩgũta musãrẽ beyedi ããrĩmĩ, ĩgũ magũ Jesucristo marĩ Opu merã õãrõ ããrĩburo, ãrĩgũ.

Pablo Corinto marãrẽ Marĩpũyarãrẽ: “Gãme dukawaribirikõãka!” ãrĩ gojadea

¹⁰ Yaarã, yu marĩ Opu Jesucristo dorederosũta musãrẽ ãsũ ãrĩ weregũra. Sũrosũ gũñarĩ merã werenĩka! Musã werenĩrĩ merã gãme dukawaribirikõãka! Uũyari merã werenĩ, sũrosũ gũñarĩ merã ããrĩrikũka! ¹¹ Yaarã, Cloéya wii marã yũre musã gãme werenĩ guaseorire werema. ¹² Musã ãsũ ãrĩ gãme guaseoyuro: “Gua Pabloyarã ããrã”, ãrĩ guaseoyuro. Gajerã: “Apoloyarã ããrã”, gajerã: “Pedroyarã ããrã”, gajerã: “Cristoyarã ããrã”, ãrĩ gãme guaseoyuro. ¹³ Irasũ ãrĩ gãme guaseobirikõãka! Marĩ Cristore buremurã ããrã. Irasirirã ĩgũ sugũyarãta ããrã. Gãme dukawarimasĩña máa. Yu, musãya ããrĩburire curusague boabosabiribu. Musã, yu wãĩ merã wãĩyesũbiribu. ¹⁴ Yu Marĩpũre: “Õãa” ãrĩ, uũyari sĩa. Yu musãrẽ deko merã wãĩyebiribu. Crispo, Gayosã direta wãĩyebu. ¹⁵ Irasirirã musã: “Gua Pablo wãĩ merã wãĩyesũnerã ããrã”, ãrĩmasĩbea. ¹⁶ Gajerãrẽ Estéfanaya wii marãdere wãĩyebu, ãrĩ gũñabu. Gajerãgue tamerãrẽ wãĩyebu, ãrĩmasĩbirikoa. ¹⁷ Cristo yũre wãĩyedoregu pĩbirimi. ĩgũ masakare tauri kere gapũre weredoregu pĩmi. Irire yũre pĩgu, masĩrĩmasã werenĩrõsũ werenĩdorebirimi. Yu, ĩgũsã irirosũ werenĩmakũ, masaka Cristo curusague boabosadeare

pémasĩbiribokuma. Irasirirã ĩgũ tauburire neõ masĩbiribokuma.

Cristo merã Marĩpũ turarire, ĩgũ masĩrĩrẽ masĩsũa, ãrĩ gojadea

¹⁸ Jesucristore bũremumerã peamegue béosũmurã, ĩgũ curusague boadea kerere pérã: “Pémasĩmerãya bueri ããrã”, ãrĩma. Marĩ ĩgũ tausũmurã gapure i kerere pémakũ, Marĩpũ ĩgũ turari merã marĩrẽ ĩgũrẽ bũremumakũ yámi.

¹⁹ Marĩpũya werenĩrĩ gojadea pũgue ãsũ ãrĩ gojasũdero ããrĩbú:

I ãmũ marã masĩrĩmasã ĩgũsã masĩrĩrẽ ubu ããrĩrĩ dujamakũ irigũra. Gajinorẽ ãmabéogu irirosũ ĩgũsã pémasĩrĩrẽ ãmagũra, ãrĩdi ããrĩmĩ Marĩpũ.✧

²⁰ Irasirirã: “Masĩpeokõãã”, ãrĩrã, ubu ããrĩrã dujama. Gajerã ĩgũsã gũñarõ buerimasãde irasũta dujama. I ãmũmarẽ õãrõ werenĩmasĩrãde irasũta dujama. I ãmũmarẽ: “Õãrõ masĩa”, ãrĩkererũũ, Marĩpũ gapũ ĩgũsã masĩrĩrẽ ubu ããrĩrĩ dujamakũ yámi. ²¹ Marĩpũ masĩgũ ããrĩsĩã, i ãmũ marãrẽ ĩgũsã masĩrĩ merã ĩgũrẽ masĩmakũ iribiridi ããrĩmĩ. ãsũ gapũ ãrĩdi ããrĩmĩ. Jesucristoya kerere bũremurãrẽ: “Taugũra”, ãrĩdi ããrĩmĩ. ĩgũrẽ bũremumerã gapũ iri kerere pérã: “Pémasĩmerãya bueri ããrã”, ãrĩma.

²² Judío masaka iri kerere bũremumerã: “Marĩpũ turari merã gajino iri ĩmumakũ ĩãrãgue bũremurãkoa”, ãrĩma. Judío masaka ããrĩmerã griego masakade i ãmũma ĩgũsã masĩrĩ direta masĩdũama. ²³ Gũa gapũ Jesucristo curusague boadiya kerere werea. Judío masaka iri kerere

✧ 1:19 Is 29.14

pérã: “Ígũ guare taugũ meta ããrĩmi”, ãrĩma. Judío masaka ããrĩmerãde iri kerere pérã: “Pemasĩmerãya bueri ããrã”, ãrĩma. ²⁴ Marĩ gapũ Marĩpũ beyenerã ããrĩsĩã, iri kerere pérã: “Marĩpũ masĩgũ, turatarigũ ããrĩsĩã, Cristo iridea merã marĩrẽ peamegue waabonerãrẽ taugũkumi”, ãrĩ masĩa. Marĩ judío masaka, judío masaka ããrĩmerãde Cristore bũremurã ããrĩsĩã, irire masĩa. ²⁵ Cristore bũremumerã gapũ Marĩpũ Ígũ masĩrĩ merã, Ígũ turari merã iririre ãsũ ãrĩ gũñama: “Ubu ããrĩrĩ ããrã”, ãrĩ gũñama. Ígũsã irasũ ãrĩ gũñakerepũ, Marĩpũ masĩrĩ gapũ masaka masĩrĩ nemorõ õãrĩ ããrĩtarinũgãrĩ ããrã. Ígũ turari gapũ, masaka turari nemorõ ããrã.

²⁶ Yaarã, Marĩpũ musãrẽ Ígũyarã ããrĩdoregu siiuburo dupuyuro musã ããrĩrikũdeare gũñaka! Musã i ãmũ marã masĩrĩmasã, dorerimasã, oparã pũrã irirosũ ããrĩrã mérãgã ããrĩnerã ããrĩbũ. ²⁷ Marĩpũ, i ãmũ marã masĩrãrẽ gũyasĩũrõ taridoregu, Ígũsã pemasĩmerã ããrĩma, ãrĩrã gapũre beyedi ããrĩmĩ. Irasũ ããrĩmakũ, i ãmũ marã oparãrẽ gũyasĩũrõ taridoregu, ubu ããrĩrã gapũre beyedi ããrĩmĩ. ²⁸ Ubu ããrĩrã gapũre, masaka ããrĩhaña marĩrã gapũre beyedi ããrĩmĩ Ígũyarã ããrĩburo, ãrĩgũ. Oparã irirosũ ããrĩrã gapũre ubu ããrĩrã dujaburo, ãrĩgũ, irasiridi ããrĩmĩ. ²⁹ Irasirigu neõ sugũ masakũ: “Yũ gajerã nemorõ masĩtarinũgãgũ ããrĩmakũ ããrĩgũ, Marĩpũ yũre beyedi ããrĩmĩ”, ãrĩmasĩbirikumĩ. ³⁰ Musãrẽ Marĩpũ basita Jesucristo merã õãrõ ããrĩmakũ iridi ããrĩmĩ. Irasirigu Marĩpũ Cristo merã marĩrẽ Ígũyare masĩmakũ yãmi. Ígũ merã marĩrẽ: “Õãrã,

waja opamerã ããrĩma”, ãrĩ ããmi. Irasirirã marĩ ãgũyarã, peamegue waabonerã ãgũ tausũnerã ããrã. ³¹ Irasiriro Marĩpũya werenĩrĩ gojadea pũgue ãsũ ãrĩ gojasũdero ããrĩbũ: “Neõ sugũ: ‘Gajerã nemorõ masĩtarinũgãgũ ããrã’, ãrĩbirikõãburo. Irasũ ãrĩrõno irigũ marĩ Opũ gapũre: ‘Turatarigũ ããrĩsĩã, marĩrẽ õãtariro iridi ããrĩmĩ’, ãrĩburo”, ãrĩ gojasũdero ããrĩbũ.

2

Cristo curusague boadea kerere gojadea

¹ Yaarã, yũ musã pũrogue Marĩpũya kerere, masaka masĩbirideare buegũ ejagũ, masĩrĩmasã diasari werenĩrĩ merã buerosũ buebiribũ. ² Yũ musã merã ããrĩgũ: “Jesucristoya kerere, irasũ ããrĩmakũ ãgũ curusague boadea direta buegũra”, ãrĩ gũñabu. ³ Irasirigũ musã merã ããrĩgũ, ubu ããrĩgũ irirosũ péñabu. “Gajipoe irigũ yũ iri kerere õãrõ buemasĩbiribokoa”, ãrĩgũ, gũi naradari merã ããrĩkubũ. ⁴ Yũ musãrẽ iri kerere bũremumakũ gããmegũ, masĩrĩmasã werenĩrõsũ buebiribũ. Irasirirã, Marĩpũ turari, Õãgũ deyomarĩgũ iritamurĩ merã yũ musãrẽ iri kerere buemakũ pérã: “Diayeta ããrã”, ãrĩ bũremubũ. ⁵ “Masaka masĩrĩ merã ãgũsã gũare buemakũ bũremua”, ãrĩ gũñamakũ gããmebiribũ. “Marĩpũ, ãgũ turari merã gũare Jesucristoya kerere bũremumakũ yãmi”, ãrĩ gũñamakũ gããmegũ, irasũ buebũ musãrẽ.

Marĩ Õãgũ deyomarĩgũ iritamurĩ merã Marĩpũre masĩa, ãrĩ gojadea

⁶ Gũa musãrẽ Jesucristore õãrõ bũremurĩ oparãrẽ buerã, Marĩpũ wãro masĩrĩ sĩrĩ merã buea. Iri masĩrĩ i mũmũma meta ããrã. Irasũ ããrĩmakũ, i

ũmũ marã masakare dorerãya meta ããrã. I ũmũma ãgũsã basi masĩrĩ pereakõãrokoa. ⁷ Gũa, Marĩpũ ãgũ masĩrĩ merã irideare, neõgorague masaka ãgũsã masĩbirideare buea. I ũmũ iriburo dupuyuro, Marĩpũ: “Ãsũ irigũra”, ãrĩ gũñasiadi ããrĩmĩ. Irasirigũ marĩrẽ tauburire, marĩ ũmũgasigue ãgũ merã ããrĩnĩburire gũñasiadi ããrĩmĩ. ⁸ Ããrĩpererã i ũmũ marã masakare dorerã gapũ Marĩpũ õãrõ gũñadeare pẽmasĩbirinerã ããrĩmã. Irire õãrõ pẽmasĩrãno ããrĩrã, marĩ Opũ Jesucristo õãtarigũre curusague pãbiatú wẽjẽbiribonerã ããrĩmã. ⁹ Ãsũ ãrĩ gojasũdero ããrĩbũ Marĩpũya werenĩrĩ gojadea pũgue:

Marĩpũ ãgũrẽ maĩrãya ããrĩburire õãrõ ãmuyusiadi ããrĩmĩ. I ãgũ õãrĩ ãmubosadea, ãgũsã neõ ããbirideia, pẽbirideia, neõ mẽrõgã gũñabirideia ããrã, ãrĩ gojasũdero ããrĩbũ.✧

¹⁰ Marĩpũ ãgũ irideare, marĩ masĩbirideare Õãgũ deyomarĩgũ merã marĩrẽ masĩmakũ yãmi. Õãgũ deyomarĩgũ Marĩpũ gũñarĩrẽ masĩgũ ããrĩpererire masĩpeokõãmi.

¹¹ Gajigũ masakũ gũñarĩrẽ marĩ neõ masĩbea. ãgũ basi ãgũ gũñarĩrẽ masĩmi. ãgũ irirosũta Õãgũ deyomarĩgũ sugũta Marĩpũ gũñarĩrẽ masĩmi. ¹² Marĩrẽ i ũmũma ãireta gũñabirikõãburo, ãrĩgũ, Marĩpũ marĩrẽ Õãgũ deyomarĩgũrẽ sĩdi ããrĩmĩ ãgũ irirosũ gũñaburo, ãrĩgũ. Marĩrẽ maĩgũ, Õãgũ deyomarĩgũ merã ããrĩpereri ãgũ sĩdeare masĩburo, ãrĩgũ, irasiridi ããrĩmĩ. ¹³ Irasirirã gũa mũsãrẽ Marĩpũyare buerã, Õãgũ deyomarĩgũ masĩrĩ sĩrĩ merã buea. Gũa basi

✧ 2:9 Is 64.4

masĩrĩ merã buebea. Irasirirã, Õãgũ deyomarĩgũ gũare buedorerosũta ãgũrẽ oparãrẽ buea.

¹⁴ Õãgũ deyomarĩgũrẽ opamerã, Marĩpũ Õãgũ deyomarĩgũ masĩrĩ sĩrĩrẽ gããmebema. Irire gããmemerã: “Ubu ããrĩrĩ ããrã”, ãrĩma. Õãgũ deyomarĩgũ iritamurĩ merãta marĩ ãgũyare pémasĩa. ãgũrẽ opamerã gapũ ãgũyare neõ pémasĩbema.

¹⁵ Marĩ Õãgũ deyomarĩgũrẽ oparã, ãgũ iritamurĩ merã ããrĩpereri ñerĩrẽ, õãrĩrẽ ãã beyemasĩa. Õãgũ deyomarĩgũrẽ opamerã gapũ, marĩ ãgũrẽ oparã iririre neõ ãã beyemasĩbirikuma.

¹⁶ Marĩpũya werenĩrĩ gojadea pũgue ãsũ ãrĩ gojasũdero ããrĩbũ: “Neõ sugũ marĩ Opũ gũñarĩrẽ masĩgũ mámi. Neõ sugũno ãgũrẽ buemasibirikumi”, ãrĩ gojasũdero ããrĩbũ. Marĩ gapũ Õãgũ deyomarĩgũrẽ oparã ããrĩsĩa, marĩ Opũ Cristo gũñarĩrẽ masĩa.

3

Marĩpũyarã ãgũrẽ moãboerã ããrĩma, ãrĩ gojadea

¹ Yaarã, yũ Õãgũ deyomarĩgũ doreri irirãrẽ buerosũ mũsãrẽ buebiribũ. I mũmũ marã Õãgũ deyomarĩgũrẽ opamerã irirosũ mũsã ããrĩmakũ ããgũ, irasiribũ. Cristoyare mũsã bũremuturabirimakũ ããgũ, majĩrãgãrẽ buerosũ mũsãrẽ buebũ.

² Irasirigu, majĩrãgã baari baamasĩmerã, ãpĩku dita mirĩrã irirosũ mũsã ããrĩmakũ ããgũ, diasabiri direta mũsãrẽ buebũ. Daporadere mũsã diasari buerire pémasĩbea dapa.

³ Mũsã, Õãgũ deyomarĩgũrẽ opamerã irirosũ gãme uburikũrã, gãme ããdũamerã, gãme dukawaridũarã

yáa. Irasirirã i ãm̃ marã ãgũsã noó gããmerõ irid̃marosũ yáa. ⁴ M̃sã: “Ỹ Pabloyag̃ũ ããrã”, gajig̃ũ: “Ỹ Apoloyag̃ũ ããrã”, ãrĩ werenía. Irasũ ãrĩrã, i ãm̃ marã masaka Ôãgũ deyomarĩgũrẽ opamerã irirosũ werenía.

⁵ G̃ua Apolos merã, ¿nasirirã ããrĩrĩ m̃sã ããmakũ? G̃ua Marĩp̃ure moãboerã ããrã. G̃ua ãgũ iridorederosũta yáa. Irasirirã g̃ua Jesucristoya kerere weremakũ pérã, m̃sã ãgũrẽ b̃remuñgãb̃ũ. ⁶ Ỹ neõgoraguere m̃sãrẽ buer̃rorib̃ũ. Irasirig̃ũ sug̃ũ oteri yerire oteg̃ũ irirosũ irib̃ũ. Irasiriadero p̃r̃ũ, Apolos m̃sãrẽ buenemogũ, oterire koreg̃ũ irirosũ iridi ããrĩmĩ. Marĩp̃ũ gap̃ũ oteri purimakũ irirosũ m̃sãrẽ Jesúre b̃remuñgãmakũ iridi ããrĩmĩ. ⁷ Irasirirã oteri yerire oterimasã, korerimasãde ubu ããrĩã ããrĩma. Marĩp̃ũ gap̃ũ iri oterire purimakũ irig̃ũ ããrĩmi. ãgũ sug̃ũta irire irimasĩmi. ⁸ Oteper̃roridi, p̃r̃ũ iri oteadeare koredi ãgũsã suro merã moãboerimasã ããrĩma. Marĩp̃ũ ãgũsã moãderopã ãgũsãrẽ keoro wajarig̃ũkumi. ⁹ G̃ua Marĩp̃ũyarã ãgũrẽ moãboerã ããrã. M̃sã g̃ũayarã ããrĩbea. Marĩp̃ũyarã ããrã. Irasirirã m̃sã ãgũya pooere otedea irirosũ ããrã.

Irasũ ããrĩmakũ, m̃sã ãgũ wári wii irim̃rĩri wii irirosũ ããrã. ¹⁰ Wii irimerẽg̃ũ borari keoro ñp̃rorig̃ũ irirosũ, ỹ, Marĩp̃ũ iritamurõ merã m̃sãrẽ Jesucristoyare keoro buer̃rorib̃ũ. P̃r̃ũ gajerã m̃sãrẽ buenemorã, iri wiire peom̃rĩãrã irirosũ irirãkuma. Iri wiire odorã irirosũ m̃sãrẽ buenemorã, gopeyari merã keoro buero gããmea.

¹¹ Marĩp̃ũ Jesucristore sug̃ũreta pídi ããrĩmĩ masakare tauburo, ãrĩgũ. Irasirig̃ũ ỹ

musārē buegu, Jesucristo masakare tauri kerere bueruroribu. Neō suguno iri kerere gorawayumasībirikumi. ¹² Jesucristoyare oārō keoro buenemorā, oro, plata, gaji wajapari ūtāyeri merā wii irirā peomarīārā irirosū irirākuma. Gajerā gapu piriri yuku merā, tá merā, mijī pū merā tiamarīārā irirosū irirākuma. Īgūsā irirosū gajerā musārē buenemorā, ubu āārīrē, mata pererinerē buerākuma. ¹³⁻¹⁴ I ūmu peremakū, Jesucristo masakare ĩgūsā buedeare: “I musā buedeā oābu, i oābiribu”, ārī weregukumi. Oro, plata, wajapari ūtāyeri merā iridea gapu peamegue soemakū ūjūbirikoa. Yuku, tá, pūrī merā iridea gapu ūjūperekōārokoa. Irasirigu, gajinorē peamegue soegu, ¿díí ūjūrokuri, díí ūjūbirikuri? ārī beyerosū, Jesucristo ĩgūsā oārō, ñerō buedeare beyegukumi. Oārō keoro buedire keoro wajarigukumi. ¹⁵ Oārō keoro buebiridi gapure wajaribirikumi. Gajino ūjūrōsū ĩgū buedeā waja, wajataboadeā perekōārokoa. ĩgū wajatabirikeregu, peamegue waabirikumi. Tausūgukumi. Wii ūjūmakū duriwiriagu irirosū mérōgā tarigukumi.

¹⁶ ¿Musā masīberi? Ōāgū deyomarīgū marīguere āārīmi. Irasirirā Marīpuya wii irirosū āārā. ¹⁷ ĩgūya wii irirosū āārīrā, ĩgūyarā āārā. Irasirigu Marīpu ĩgūyarārē poyanorērānorē poyanorēgukumi.

¹⁸ Musā basi péwisibirikōāka! “Yu i ūmu marā buerire masītarinugāgū āārā”, ārībirikōāka! Irire masīmerā irirosū āārīka! Irasirimakū, Marīpu diayeta oārō masīrā dujamakū irigukumi. ¹⁹ I

ũmũ marã ãgũsã masĩrĩ, Marĩpũ ããmakũ ubu ããrĩrĩ ããrã. Marĩpũya werenĩrĩ gojadea pũgue ãsũ ãrĩ gojasũdero ããrĩbũ: “Marĩpũ gapũ masĩrĩmasã: ‘Ãsũ irirãra’, ãrĩ gũñaderosũ iridũarire iribirimakũ yãmi”, ãrĩ gojasũdero ããrĩbũ. ²⁰ Gajeroguedere ãsũ ãrĩ gojasũdero ããrĩbũ: “Marĩ Opũ, i ãmũ marã masĩrĩmasã gũñarĩrẽ masĩmi. Irire masĩgũ: ‘Ubu ããrĩrĩ ããrã iri’, ãrĩ ããmi”, ãrĩ gojasũdero ããrĩbũ. ²¹ Irasirirã mũsarẽ buegũre: “Gajigũ nemorõ õãrõ buemi”, ãrĩbirikõãka! Marĩpũ ããrĩpereri mũsãya ããrĩburire sĩsiadi ããrĩmĩ. ²² Irasirigũ yũre, Apolore, Pedrore iriumi mũsã õãrõ ããrĩburire buedoregũ. Irasũ ããrĩmakũ, i ãmũma, mũsãya ããrĩburire sĩdi ããrĩmĩ. Dapora mũsã ããrĩburire, mũsã boadero pũrugue ããrĩburidere sĩdi ããrĩmĩ. I ããrĩpereri mũsãya ããrã. ²³ Irasũ ããrĩmakũ, mũsã Cristoyarã ããrã. Cristo Marĩpũyagũ ããrĩmĩ. Irasirirã mũsã Cristo merã Marĩpũyarã ããrã.

4

Pablo, Jesucristo ãgũyare buedoregũ pĩnerã moãrĩrẽ gojadea

¹ Mũsã gũare: “Cristore moãboerimasã ããrĩma”, ãrĩ gũñarõ gããmea. Gũare Marĩpũya kerere, masaka masĩbirideare buedoregũ pĩdi ããrĩmĩ. ² Moãrĩmasã ãgũsã opũ dorerire keoro irirã irirosũ gũa Cristore moãboerimasãdere ãgũ dorerire keoro iriro gããmea. ³ Mũsã yũre: “Marĩ Opũyare õãrõ buemi, o õãrõ buebirimi”, ãrĩmakũ, neõ bũjawerebirikoa. Gajerã masaka, yũ buerire: “Keoro ããrã, o keoro ããrĩbea”, ãrĩmakũdere neõ bũjawerebirikoa. Yũ baside yũ buerire: “I

gapure òãrõ buebu, i gapure òãrõ buebiribu”, ãrĩmasĩbirikoa. ⁴ Yu buedeare gũñagũ: “Ñerõ buekubu”, ãrĩ gũñabea. Irasirigu: “Yu ñerõ buede waja, waja opáa” ãrĩmasĩbea. Marĩ Opu suguta yu buerire: “Òãgoráa, o òãbea”, ãrĩ masĩmi. ⁵ Irasirirã marĩ Opu i ãmugue dupaturi aariburo dupuyuro gajerãrẽ: “Ìgũ dorederosũ keoro iribema”, ãrĩ werewuabirikõãka! Ìgũ dupaturi aarigú, ããrĩpererãrẽ Ìgũsã iridea gajerã masĩbirideare masĩmakũ irigukumi. Ìgũsã gũñarĩgue: “Ãsũ iridũakoa”, ãrĩ gũñadeadere masĩmakũ irigukumi. Irasirigu Marĩpu òãrõ irirãrẽ: “Òãrõ iribu”, ãrĩgukumi. Ìgũsã òãrõ irideropã Ìgũsãrẽ keoro irigukumi.

⁶ Yaarã, musãya ããrĩburire gwa Apolos merã iririkurire werebu, musãde gwa irirosũta iriburo, ãrĩgũ. Marĩpuya werenĩrĩ gojadea pũgue Ìgũ dorerire tarinugãbirikõãburo, ãrĩgũ, musãrẽ irire werebu. Irasirirã musã gware Ìãkũĩrã: “Gware buegu gapu, musãrẽ buegu nemorõ masĩtarinugãmi”, ãrĩbirikoa. ⁷ Musã gajerã nemorõ masĩtarinugãrã ããrĩbea. ããrĩpereri musã opari, Marĩpu musãrẽ sidea dita ããrã. Ìgũ sidea ããrĩkerepuwu, iro tamerãrẽ, çnasirirã musã basi: “Ìgũyare masĩpeokoa”, ãrĩrĩ? Ìgũ musãrẽ masĩrĩrẽ sibirimakũ, neõ masĩbiribokoa. Ìgũ musãrẽ masĩmakũ iridea direta masĩa.

⁸ Musã i gapure ãsũ ãrĩ gũñadãa: “Gwa ããrĩpereri opáa. Marĩpuyare masĩpeokõãa”, ãrĩ gũñadãa. Irasirirã gwa musãrẽ Ìgũyare buenemomakũ gããmebea. Musã oparã irirosũ: “ããrĩpereri

masĩtarinugãrã ããrã”, ãrĩ gũñadãa. Musã diayeta oparã irirosũ ããrĩpereri masĩtarinugãrã ããrĩmakũ õataribokoa. Irasirirã gũa musãrẽ buerãde musã merã oparã irirosũ ããrĩbokoa. ⁹ Yũ ãsũ ãrĩ pẽñãa: “Marĩpũ gũare Jesucristoyare buedoregũ pígu, ããrĩpererã nemorõ ubu ããrĩrã irirosũ ããrĩdoregũ pídi ããrĩmĩ”, ãrĩ pẽñãa. Irasirirã gũa wẽjẽbéosũmurã irirosũ ããrã. ããrĩpererã i ãmũ marã masaka, Marĩpũre wereboerã iũrõ gũa ñerõ taria. ¹⁰ Jesucristoya kerere gũa buemakũ, masaka gũare: “Pemasĩmerã ããrĩma”, ãrĩma. Musã gapũ musã basi: “Gũa Cristoyare pemasĩpeorã ããrã”, ãrĩkoa. Gũa, musã iãmakũta ubu ããrĩrã ããrã. Musã gapũ: “Gũa oparã irirosũ ããrã”, ãrĩkoa. Masaka gũa gapũre ubu iãbéokõãma. Musã gapũre goepeyari merã iãma. ¹¹ Gũa neõgoragueta ñerõ taripũrorimũrĩnerã, daporaguedere irasũta ããrĩkõãa. Uboãa, ñemesibua, surí opabea. Jesucristore bũremumerã gũare bũro ñerõ iribirama. Gũa buegorenasĩã, wiiri opabea. ¹² Irasũ ããrĩmakũ, gũaya ããrĩburire, gũa baaburidere, gũa basi moãpoyãa. Gajerã gũare ñerõ werenĩmakũ, gũa gapũ Marĩpũre ãgũsãya ããrĩburire sërẽbosãa. Gajerã gũa noó waaró gũare ñerõ irimakũ, ubu pẽñakõãa. ¹³ Gajerã gũare ñerõ ãrĩ werewũhamakũ, gũa gapũ ãgũsãrẽ ãmuduarã, ãgũsãrẽ õãrõ merã werea. I ãmũmarẽ ãgũsã gããmebirire ãgũsã béodea irirosũ gũare iãma. Neõgoragueta gũare doopũrorinerã, daporaguedere irasũta doonĩkõãma.

¹⁴ Irire gojagu, musãrẽ gũyasĩrĩdoregu meta yãa. Yũ musãrẽ maĩgũ, yũ pũrãrẽ irirosũ werea.

15 Wárã gajerã diez mil gora musãrẽ Cristoyare buebonerã ããrĩkererũ, ãgũ masakare tauri kerere bueroridi suguta ããrĩmi. Iri kerere musãrẽ bueroridi yuta ããrã. Yũ iri kerere buemakũ pérã, musã ãgũrẽ buremunugãbũ. Irasirigu yũ musãrũ irirosũ ããrã. 16 Irasirigu musãrẽ: “Yũ iririkũrere, majĩrã ãgũsã pagure ããkũĩrõsũ ããkũĩtayaka!” ãrĩ werea.

17 Musã irire irimakũ gããmegũ, Timoteore musã pũrogue iriua. ãgũ yũ buedi yũ magũ irirosũ, yũ maĩgũ ããrĩmi. Marĩ Opũ gããmerõsũ keoro irinĩkõãmi. Yũ Cristore buremugũ iririkũrere musãrẽ gũñamakũ irigukumi musãde irasũta iriburo, ãrĩgũ. Irasirigu, ããrĩpererã Cristore buremurãrẽ ããrĩpererogue ããrĩrãrẽ yũ buederosũta musãrẽ buegukumi. 18 Surãyeri musã watope ããrĩrã: “Pablo gũa pũro aaribirikumi”, ãrĩ gũñañurã. Irasirĩrã ãgũsã basi: “Gũa gajerã nemorõ masĩtarinugãrã ããrã”, ãrĩ, gũñanĩkõãñurã. 19 Yũ gapũ ãsũ ãrĩ gũñãa: “Marĩ Opũ gããmemakũ, mata musã pũrogue waagura”, ãrĩ gũñãa. Irogue ejagu, masĩtarinugãrã ããrã, ãrĩ werenĩrãrẽ ããgura. Iri direta ããbirikoa. “¿Diyeta ãgũsã marĩ Opũ turari merã ãgũyare irirãta yãri?” ãrĩ ããgukoa. 20 Marĩrũ ãgũyarãrẽ doreri ãsũ ããrã. Marĩ ãgũyare werenĩkererã irire marĩ iribirimakũ, marĩ werenĩrĩ wajamãa. ãgũ turari merã ãgũyare irimakũ gããmemi. 21 ¿Ñeonorẽ gããmekuri musã? ¿Musã pũrogue musã ñerõ iriri waja musãrẽ turigu waamakũ gããmekuri, o musã õãrõ iriri waja gapure usuyari merã musãrẽ weregũ waamakũ gããmekuri?

5

Ñerō irigure béoka! ãrĩ gojadea

¹ Gajerã ãsũ ãrĩ kere werema yure. Sugũ mũsã merãmũ ãgũ búamorêta marãpokũayurũ. Irire pégu, pégũkakõãbũ. Gajerã Marĩpũre masĩmerã ããrĩkererã, irasũgora ñerō iribema. ² ãgũ ñerĩ irigũ mũsã merã ããrĩkererũ, mũsã gapũ: “Gũa gajerã nemorō õãrã ããrã”, ãrĩ gũñadãa. Irasũ gũñarõno irirã, ãgũ ñerĩ iriri gapũre burõ bũjawereri merã gũñaka! Irasirirã, ãgũ ñerō iririre piribirimakũ ããrã, ãgũrẽ béokõãka! Mũsã merã nerẽdorebirikõãka! ³ Yũ gapũ mũsã pũrogue ããrĩbirikeregũ, yũ gũñarĩ merã mũsã merã ããrĩgũ irirosũ ããrã. Irasirigũ yũ gũñarĩgue mũsãrẽ: “ãgũ ñerō irigure béokõãrõ gããmea”, ãrĩ gũñasiãa. ⁴ Irasirirã mũsã, marĩ Opũ Jesucristoyarã, ãgũ dorero merã nerêka! Yũde, yũ gũñarĩ merã mũsã merã nerẽgũ irirosũ ããrĩgũkoa. Marĩ Opũ Jesũde ãgũ turarĩ merã mũsã merã ããrĩgũkumi. ⁵ Mũsã irasũ nerẽrã, ãgũ ñerō irigure béokõãka, wãtẽa opũ Satanás ãgũ gããmerõ ãgũrẽ iriburo, ãrĩrã! Irasirigũ ñerō tarigũ, ãgũ ñerō iririre pirigũkumi. Marĩ Opũ Jesũs i ãmũgue dupaturi aarigũ, ãgũrẽ taugũkumi.

⁶ ãgũ ñerō irigure béomerã: “Gũa gajerã nemorō õãrã ããrã”, ãrĩ gũñabirikõãka! Mũsã ãgũ ñerō iririre ubu ããkõãrã, ããrĩpererã mũsãde ãgũ ñerō iririre pẽrẽbejarãkoa. ¿Mũsã ãsũ ãrĩ wererire masĩberi? “Pãrẽ irirã, mэрõgã pã wemasãrĩ poga merã trigo pogare morêkuma. Pũrũ iri wemasãseyakõãkoa”, ãrĩ werea. Iri poga wemasãseyarosũta ñerĩde mũsãguere õãrõ seyakõãrokoa. ⁷ Irasirirã ãgũ ñerĩ irigure béoka, gajerãde ñerō iriri, ãrĩrã!

Gɥayarã, judío masaka pascua bosenu irimurã pã wemasãmakũ iriri pogare béokuma. Iriri béorosũta musã ñerĩ iririre béoka, ñerĩrẽ opamerã ããrĩmurã! Pascua bosenu ããrĩmakũ, judío masaka ovejare wějĕkuma ĩgũsã ñerĩ iridea wajare Marĩpure béodorerã. Oveja boaderosũta Cristo marĩ ñerõ iridea waja boabosadi ããrĩmĩ Marĩpũ marĩrẽ: “Ñerĩ marĩrã ããrĩma”, ãrĩ ĩãburo, ãrĩgũ. ⁸ Irasirirã marĩ ñerĩ iririkũdeare pirikõãrõ gããmea. Ñerĩrẽ iriro marĩrõ ããrĩrõ gããmea. Irigatori marĩrõ, diayema õãrõ werenĩrĩ merã ããrĩrõ gããmea.

⁹ Yũ musãrẽ iripoegue gojadea pũgue ãsũ ãrĩ gojabũ: “Nomerẽ ñerõ gãmebirarikũrãrẽ wapikũbirikõãka!” ãrĩ gojabũ. ¹⁰ Yũ irasũ gojagu: “Ããrĩpererã ñerõ iririmasã i ãmũgue ããrĩrãrẽ neõ wapikũbirikõãka!” ãrĩgũ meta iribũ. I ãmũguere noó musã waaró Jesúre bũremumerã ããrĩma. Nomerẽ ñerõ gãmebirarikũrã, gajerãyare bũro gããmerã, yajarimasã, keori weadeare bũremurĩmasã wãrã ããrĩma. ĩgũsã ããrĩpererogue ããrĩmakũ, ĩgũsãno marĩrõgue waamasĩña máa. ¹¹ ãsũ gapũ ãrĩ gojabũ: “Surãyeri musã merã ããrĩrã: ‘Jesúre bũremua’, ãrĩkererã ñerĩ iririkũmakũ ĩãrã, ĩgũsãrẽ wapikũbirikõãka!” ãrĩ gojabũ. “Irasirirã nomerẽ ñerõ gãmebirarikũrãrẽ, gajerãyare bũro gããmerãrẽ, keori weadeare bũremurãrẽ, gajerãrẽ ñerõ kere wererãrẽ, mejãrikũrãrẽ, yajarikũrãrẽ wapikũbirikõãka! Irasiririkũrãno merã neõ baabirikõãka!” ãrĩ gojabũ. ¹²⁻¹³ Marĩpũ Jesúre bũremumerãrẽ ĩgũsã ñerõ iridea waja wajamoãgũkumi. Irasirigũ yũ musãrẽ: “Wajamoãka ĩgũsãrẽ!” ãrĩbea. Musã

tamerã mʉsã merã ããrĩrãrẽ ĩgũsã ñerõ irimakũ ĩãrã, ĩgũsãrẽ wajamoãka! Marĩpɣya werenĩrĩ gojadea pũgue gojaderosũta irika! ãsũ ãrĩ gojasũdero ããrĩbũ: “Sugɣ mʉsã merã ããrĩgũ ñerõ irimakũ ĩãrã, ĩgũrẽ bẽokõãka!” ãrĩ gojasũdero ããrĩbũ. Irasirirã mʉsã merã ããrĩgũrẽ ĩgũ búamorẽ ñerõ irigure bẽokõãka!

6

Jesúre bɣremurã gãme weresãrĩrẽ gojadea

¹ Mʉsã basi gãme guaseorã, ¿nasirirã weresãrĩrẽ beyerimasã Jesúre bɣremumerã pɣroque ãmudorerã waari? Jesúre bɣremurãrẽ mʉsã merãmarãrẽ weresãɗuarã, gajerã Jesúre bɣremurãrẽ irire ãmudorerã waaró gããmea. ² ¿Ire mʉsã masĩberi? I ãmɣ peremakũ, marĩ Jesúre bɣremurã Marĩpɣyarã ããrĩsã, Jesús merã i ãmɣ marãrẽ dorerã ããrĩrãkoa. Irasirirã ĩgũsãrẽ doremurã daporadere marĩ gãme guaseorire ãmudoremasĩa. ³ ¿Idere masĩberi mʉsã? Marĩ Jesús merã Marĩpɣre wereboerã ãmɣgasigue ããrĩrãrẽ dorerãkoa. Irasirirã ĩgũsãrẽ doremurã ããrĩsã, i ãmɣmadere ãmudoremasĩa. ⁴ ¿Nasirirã i ãmɣmarẽ gãme guaseorã, Marĩpɣyare masĩmerã pɣroque irire ãmudorerã waari? ⁵ Mʉsãrẽ gɣyasĩrĩburo, ãrĩgũ, ire gojáa. ¿Mʉsã watopeguere neõ sugɣ masĩgũ, mʉsã guaseorire ãmugũno marĩgorakõãrĩ? ⁶ Mʉsã merãmɣ masĩgũno gapɣre ãmudorerono irirã, gajigɣ Jesúre bɣremugũrẽ weresãɗuarã, Jesúre bɣremumerã pɣroque ãmudorerã waãa.

⁷ Irasiriro, mʉsã gãme guaseorã, mʉsã basi ãmumasĩmerã, Jesúre bɣremumerã pɣroque irire

ãmudorerã waamakũ õãbea. Ìgũsãrẽ weresãrõno irirã, gajerã Jesúre bũremurã mũsãrẽ diaye iribiri-deare, mũsãrẽ yajadeare irasũ ìãkõãmakũ nemorõ õãboakuyo. ⁸ Mũsã Jesúre bũremurã ããrĩkererã, gajerã mũsãyarãrẽ diaye irimerã, mũsãde Ìgũsãyare yajarã yáa.

⁹ ¿Ire mũsã masĩberi? Ñerõ iririkurã Marĩpu Ìgũyarãrẽ doreroguere waabirikuma. Ire péwisibirikõãka! Ɛma nomerẽ ñerõ gãmebirarikurã, keori weadeare bũremurĩmasã, gajigũ marãpore ãma marãpokurã, gajego marãpu merã ñerõ iririkurã, ãma seyaro Ìgũsã dupuri merã ñerõ iririkurã, nomede Ìgũsã seyaro ñerõ iririkurã Marĩpu puoguere neõ waabirikuma. ¹⁰ Irasũ ããrĩmakũ, yajarimasã, gajerãyare bũro gããmerĩmasã, mejãrikurã, gajerãrẽ ñerõ kere wererimasã, ãrĩgatori merã gajerãyare yajarimasã neõ Marĩpu puoguerẽ waabirikuma. ¹¹ Iripoeguere mũsã surãyeri irasirikurã ããrĩnerã ããrĩbũ. Irasirikurã ããrĩkerepuũ, Marĩpu mũsã ñerĩ oparire koedi ããrĩmĩ Ìgũyarã ããrĩmakũ irigu. Irasirigu mũsãrẽ: “Õãrã, waja opamerã ããrĩma”, ãrĩ ìãmi. Marĩ Opũ Jesucristo iridea merã, Õãgũ deyomarĩgũ mũsãguere ããrĩrĩ merã irasũ ãrĩ ìãmi.

Marĩya dupũ merã õãrõ iridorea, ãrĩ gojadea

¹² Masaka surãyeri ãsũ ãrĩ werenĩma: “Marĩ iridũarire noó gããmerõ irimasã”, ãrĩ werenĩma. Irasũta ããrã, ãrĩrõ tamerã. Yũ iridũari gajerãrẽ iritamubirimakũ ìãgũ, irire iribeã. Irasirigu irire piridũagu, pirikõãrõ gããmea. ¹³ I masaka werenĩrĩ diayeta ããrã. ãsũ ãrĩ werenĩma: “Baari, marĩya paruma ããrĩburi ããrã. Marĩya paru, baari

baasādiru āārā”, āāri wereníma. Marĩpũ gapũ i pe wāĩrē peremakũ irigũkumi. Irasiriro baari, marĩya paru irasũ āārĩkōārō yāa. Āsũ gapũ āārā. Marĩpũ, marĩya dupũ irigũ, ñerĩrē ƣaribejaburi dupũre iribiridi āārĩmĩ. Marĩ Opũ Jesucristo gāāmerĩ gapũre iriburi dupũ āārā. Īgũta marĩ merā āārĩgũ marĩya dupũ Opũ āārĩmi irire ōārō iribu. ¹⁴ Marĩpũ Īgũ turari merā marĩ Opũ Jesucristo boadero pũrũ, Īgũya dupũre masũdi āārĩmĩ. Īgũrē masũderosũta marĩ boadero pũrũ, marĩya dupũdere masũgũkumi.

¹⁵ ĶIre masā masĩberi? Marĩ Cristoyarā āārĩmakũ, marĩya dupũ, Īgũya dupũma āārĩrĩ irirosũ āārā. Marĩ irasũ āārĩrā, nomeō ũma merā ñerō iririkũrimasō merā ñerō irimakũ ōābirigorakōāa. Irasirirā irinorē neō iribirikōādorea. ¹⁶ ĶIdere masā masĩberi? Marĩpũya werenĩrĩ gojadea pũgue āsũ ārĩ gojasũdero āārĩbũ: “Īmũũ, nomeō merā marāpokũgũ, pērā āārĩkererā, Marĩpũ ĩāmakũ su dupũ irirosũta āārĩrākuma”, ārĩ gojasũdero āārĩbũ. Irasirigũ sugũ ñegō merā marāpokũmakũ, Īgũya dupũ igoya dupũ merā āārĩrō, su dupũ irirosũta āārā. ¹⁷ Irasũta sugũ marĩ Opũ Jesucristore bũremugũ Īgũ merā pērā āārĩkererā, su dupũ irirosũta āārĩma. Irasirirā su gũñarĩta opama.

¹⁸ Irasirirā ũma nomerē gāmebirarire neō iribirikōāka! Gaji marĩ ñerō iririre irirā, marĩya dupũguere ñerō iribea. Ūma Īgũsā marāposā nome āārĩmerā nomerē gāmebirarā gapũ Īgũsā basi Īgũsāya dupũre ñetariro irirā yāma. Cristoya dupũguere ñerō irirā irirosũ yāma. ¹⁹ ĶMasā ire masĩberi? Marĩpũ marĩrē Ōāgũ deyomarĩgũrē

sīdi āārīmí. Irasirigũ Õãgũ deyomarĩgũ marĩguere āārĩmakũ, marĩya dupũ ĩgũya wii irirosũ āārã. Irasiriro marĩya dupũ marĩya dupũgora āārĩbea. ²⁰ Marĩpũ marĩrẽ burõ maĩgũ, Jesucristore iriudi āārīmí marĩ ñerĩ iridea wajare wajaridoregũ. ĩgũyarã āārĩburo, ārĩgũ, irasiridi āārīmí. Irasirirã marĩ ĩgũ wajarinerã āārĩsĩã, marĩya dupũ merã Marĩpũ gããmerõsũta iriro gããmea gajerãde ĩgũrẽ burõmuburo, ārĩrã.

7

Mojõsiarimarẽ gojadea

¹ Daporare musã yũre sērẽña gojadeare yujugura. Marãpokũbirimakũ, marãpokũbirimakũ, õãgorãa. ² Irasũ āārĩkerekerepũ, āārĩpereroguere ãma nomerẽ gãmebirari āārã. Irasirirã ãma ĩgũsãkũ marãpokũro gããmea, gajerã nome merã ñerõ iriri, ārĩrã. Nomede ĩgũsãkũ marãpokũro gããmea, gajerã ãma merã ñerõ iriri, ārĩrã. ³ Marãpokũgũ ĩgũ marãpo merã õãrõ āārĩrikũro gããmea. Igode marãpũ merã õãrõ āārĩrikũro gããmea. ⁴ Marãpokũgore igoya dupũ igoya dita āārĩbea. Igo marãpũ gããmerõsũta ĩgũ merã āārĩrõ gããmea. Igo marãpũdere ĩgũya dupũ ĩgũya dita āārĩbea. ĩgũ marãpo gããmerõsũta igo merã āārĩrõ gããmea. ⁵ Āsũ iriburo. Igo marãpũ igo merã āārĩduamakũ yujuburo. ĩgũde igore yujuburo. ĩgũsã Marĩpũre sērẽmurã: “Irikũnarĩ marĩ iririkũrinorẽ iribirikõãrã”, ārĩ ãmuadero pũrũ merẽ irasũ iribirikõãburo. Marĩpũre sērẽ odoadero pũrũ, dupaturi ĩgũsã āārĩrikũderõsũta

ããrĩburo doja. Ìgũsã irasiribirimakũ, wãtĩ ìgũsãrẽ gajerã merã ñerõ irimakũ iribokumi.

⁶ Y_u musãrẽ ire dorerigora irirosũ werenígũ meta yáa. Musã irasũ irimakũ õãrokoa, ãrĩgũ, irasũ ãrã. ⁷ Y_u ãsũ ãrĩ gũñáa. ããrĩpererã musã y_u irirosũta marãpo marĩrã ããrĩmakũ gããmeadikoa. Marĩp_u gap_u marĩ ããrĩpererãrẽ sũrosũ píbiridi ããrĩmĩ. Surãyerire marãpo marĩmurãrẽ, o marãp_u marĩmurãrẽ pídi ããrĩmĩ. Gajerã gap_ure marãpokumurãrẽ, o marãpokumurãrẽ pídi ããrĩmĩ.

⁸ Irasirig_u musã marãpo marĩrãrẽ, marãp_u marĩrãrẽ, wapiweyarã nomerẽ ãsũ ãrã. Y_u irirosũ musã marãpokubirimakũ, o marãpokubirimakũ õãgoráa. ⁹ Ũma, nome merã ããrĩduarire nuããmerãno marãpokuburo. Nomede irasũta iriburo. Ìgũsã marãpokumakũ, marãpokumakũ õãgoráa. Irasirirã ìgũsã nome merã, ũma merã ããrĩduari direta gũñanĩbirikuma.

¹⁰ Marãpokurãrẽ, marãpokurãrẽ y_u ãsũ dorea. I y_u doreri ããrĩbea. Marĩ Op_u ire doredi ããrĩmĩ. ãsũ ãrĩ doredi ããrĩmĩ: “Nomeõ igo marãp_ure béobirikõãburo”. ¹¹ Nomeõ igo marãp_ure béogo, gajig_ure marãpokubirikõãrõ gããmea. Igo marãp_u ããrĩdi merã ãmubeo, sugota ããrĩkõãrõ gããmea. Ũmũude ìgũ marãpore béobirikõãrõ gããmea. Ìgũde ìgũ marãpo ããrĩdeo merã ãmubi, marãpo marĩgũta ããrĩkõãrõ gããmea.

¹² Gajerãrẽ y_u gũñarĩrẽ weregura marĩ Op_u weredoredea ããrĩbirikerepuru. ãsũ ãrã. Sug_u Jesúre buremugũ, Jesúre buremubeore marãpokũadero puru, igo ìgũ merãta dujaduamakũ, igore béobirikõãrõ gããmea. ¹³ Nomeõde Jesúre buremugõ

Jesúre b̄remubire mar̄ap̄uk̄ugo, igo mer̄ã ãgũ dujad̄amakũ, ãgũr̄ẽ b̄éobirik̄õãr̄õ gããmea. ¹⁴ Sugũ Jesúre b̄remubi mar̄ãpo Jesúre b̄remugõ ããr̄ĩmakũ ããgũ, Mar̄ĩp̄ũ ãgũr̄ẽ: “Yaagũ irirosũ ããr̄ĩmi”, ãr̄ĩ ããmi. Irasũta sugo Jesúre b̄remubeo mar̄ãp̄ũ Jesúre b̄remugũ ããr̄ĩmakũ ããgũ, Mar̄ĩp̄ũ igore: “Yaago irirosũ ããr̄ĩmo”, ãr̄ĩ ããmi. ãgũ irasũ ããbirimakũ, ãgũsã pũrã Jesúre b̄remumerã pũrã irirosũ ããr̄ĩbokuma. Irasirigũ ãgũsã pũrãdere Jesúre b̄remurã pũrã irirosũ ããmi. ¹⁵ Jesúre b̄remubi gap̄ũ ãgũ mar̄ãpo Jesúre b̄remugõr̄ẽ b̄éod̄uagũ, b̄éoburo. Irasũta Jesúre b̄remubeo igo mar̄ãp̄ũ Jesúre b̄remugũr̄ẽ b̄éod̄uago, b̄éoburo. Mar̄ĩp̄ũ mar̄ĩr̄ẽ gajerã mer̄ã gãmek̄ẽãr̄õ mar̄ĩr̄õ usuyari mer̄ã ããr̄ĩmakũ gããmemi. Irasirirã ãgũsã b̄éod̄uamakũ õãgorãa. ¹⁶ Jesúre b̄remugõ, igo mar̄ãp̄ũ Jesúre b̄remubire: “Yũ mer̄ã ããr̄ĩgũ, b̄remugũkumi”, ãr̄ĩmasĩña mãa. Irasũta Jesúre b̄remugũ, ãgũ mar̄ãpo Jesúre b̄remubeore: “Yũ mer̄ã ããr̄ĩgõ, b̄remugokumo”, ãr̄ĩmasĩña mãa.

¹⁷ ãsũ iriro gããmea mar̄ĩr̄ẽ ããr̄ĩpererã mar̄ĩ Op̄ũ Jesucristoyar̄ãr̄ẽ. Mar̄ĩp̄ũ mar̄ĩr̄ẽ Jesúre b̄remun̄gãdoregũ siiudeapoe ãgũ mar̄ĩr̄ẽ: “ãsũ irika!” ãr̄ĩ píderosũta iriwãgãr̄õ gããmea. Yũ irire ããr̄ĩperero mar̄ãr̄ẽ Jesúre b̄remurãr̄ẽ dorea.

¹⁸ Mar̄ĩp̄ũ sugũre ãgũya dup̄ũma gasirogãr̄ẽ*

* **7:18** Gn 17.1-14: Iripoegue Mar̄ĩp̄ũ Abrahãr̄ẽ ãgũ pũrã ãmar̄ẽ: “Yaarã ããr̄ĩburo”, ãr̄ĩgũ, ãgũsãya dup̄ũma gasirogãr̄ẽ wiiridoredi ããr̄ĩmi. Pũrũ iri dorerire Moisére pídi ããr̄ĩmi. Irasirirã judío masaka Abraham parãmerã ããr̄ĩturiarã iri dorerire irirã, ãgũsã pũrã ãmar̄ẽ su mojõma pere gaji mojõ nreru p̄r̄ẽbejarinãr̄ĩ waaró mer̄ã ãgũsã deyoadero pũrũ irasũ yãma.

wiirisũdire siiumakũ, irasũta dujaro gããmea. Irasũta wiirisũbire siiumakũ, wiirisũbita dujaro gããmea. ¹⁹ Daporare wiirisũnerã ããrĩrĩ, wiirisũbirinerã ããrĩrĩde wajamáa. Marĩpũ dorerire marĩ iriri gapũ wajakutarinũgãa. ²⁰ Irasirirã Marĩpũ marĩrẽ masakakũre siuideapoe ãgũ marĩrẽ píderosũta iriwãgãrõ gããmea.

²¹ Marĩpũ mũsãrẽ siuideapoe surãyeri gajerãrẽ moãboerimasã ããrĩbũ. Irasũ ããrĩkererã, mũsã moãboerimasã ããrĩrĩrẽ gũñarikũbirikõõaka! Gajipoe mũsã oparã mũsãrẽ wiudũamakũ, wirika! ²² Marĩpũ mũsãrẽ marĩ Opũ Jesucristore bũremudoregũ siudi ããrĩmĩ. Irasirirã surãyeri mũsã gajerãrẽ moãboerimasã ããrĩkererã, daporare Jesucristoyarã ãgũ wiunerã irirosũ ããrã ãgũyare irimurã. Mũsã gajerãrẽ moãboerimasã ããrĩbirikererã, daporare Jesucristore moãboerã ããrã. ²³ Marĩpũ marĩrẽ ãgũyarã ããrĩburo, ãrĩgũ, ãgũ magũ Jesucristo boagũ dí béodea merã wajaridi ããrĩmĩ. Irasirirã masakare moãboerã irirosũ ããrĩbirikõõaka! Masaka gããmerĩnorẽ iribirikõõaka! Marĩpũ gããmerĩ gapũre irika! ²⁴ Irasirirã, Marĩpũ mũsãrẽ Jesucristore bũremunũgãdoregũ siuideapoe mũsãrẽ píderosũta ãgũ merã õãrõ ããrĩnĩkõõaka!

²⁵ Daporare mũsã marãpo marĩrãrẽ, marãpũ marĩrãdere weredũakoa. I yũ wereburi marĩ Opũ weredoredea ããrĩbea. Irasũ ããrĩbirikerepũrũ, yũ basi gũñarĩ merã mũsãrẽ weregũra. Marĩ Opũ yũre bopoñarĩ merã ããsĩã, yũre iritamumi. Irasirirã mũsã yũ wererire: “Irimakũ õãgoráa”, ãrĩ masĩrãkoa. ²⁶ Daporare marĩrẽ wãri ñerõ tariri ããrã. Irasirirã mũsã ããrĩrikũrosũta dujamakũ

õãgoráa. ²⁷ Marãpokurã, marãpukurã gãme béobirikõãka! Marãpo marĩrã, marãposã nome ãmabirikõãka! ²⁸ Y_H m_usãrê irire werekerer_u, m_usã marãpokurã, Marĩ_u dorerire tarinugãrã meta yáa. Nomeõde marãpukugo, Marĩ_u dorerire tarinugãgõ meta yámo. Irasũ ããrĩkerer_u, marãpokurã, marãpukurã gap_u ãgũsã okarinũrĩrẽ poyari merã ããrĩrãkuma. Irasirig_u y_H irire: “Poyari merã ããrĩbokuma”, ãrĩgũ: “Marãpo marĩrã, marã_u marĩrã ããrĩkõãka!” ãrã m_usãrê.

²⁹ Yaarã, y_H m_usãrê irasũ ãrĩgũ, ãsũ ãrĩduagu yáa. Marĩ i ãmugue ããrĩrikari pereburo mérõ d_uyáa. Irasirirã daporare marãpo marĩrã Marĩ_uyare õãrõ moãrõsũta marãpokurãdere õãrõ moãrõ gããmea. Marãpukurã nomede irasũta Marĩ_uyare õãrõ iriro gããmea. ³⁰ Marĩ orekererã, bujaweremerã irirosũ ããrĩrõ gããmea. U_syakererã, u_syari merã bosenu irimerã irirosũ ããrĩrõ gããmea. Gajino wajarikererã: “I yaa ããrĩnikõãrokoa”, ãrĩ gũñabirikõãrõ gããmea. Irasirirã, marĩrẽ Marĩ_uyare õãrõ iriro gããmea. ³¹ I ãm_umarẽ iriduarire buro gũñarikubirikõãrõ gããmea.

³² Y_H m_usãrê gũñarikuro marĩrõ ããrĩmakũ gããmea. Marãpo marĩgũ, marĩ Op_uyare õãrõ gũñami. Irasirig_u ãgũrẽ u_syamakũ gããmegũ, ãgũyare õãrõ yámi. ³³ Marãpokug_u gap_u ãgũ marãpo õãrõ u_syari merã ããrĩmakũ gããmegũ, i ãm_umarẽ gũñami. ³⁴ Irasirig_u marĩ Op_u gããmerĩrẽ, ãgũ marãpo u_syamakũ gããmerĩ gap_udere gũñami. Nomedere irasũta ããrã. Marã_u marĩgõ marĩ Op_uyare õãrõ gũñamo. Igo gũñarĩ

merã Marĩpuyago õãrõ ããrĩduago, ĩgũ gããmerõsũta iridũamo. Marãpũkũgo gapũ igo marãpũ õãrõ usuyari merã ããrĩmakũ gããmegõ, i ùmumarẽ gũñamo.

³⁵ Yũ mũsãrẽ õãrõ waaburo, ãrĩgũ, marĩ Opũ gããmerĩ direta keoro iridoregũ ire gojãa. Mũsãrẽ marãpokũrire, marãpũkũrire kãmutagũ meta yãa.

³⁶ Sugũ ĩgũ magõ búro waamakũ ĩãgũ, ãsũ ãrĩbokumi: “Yũ magõrẽ õãrõ iribirikoa. Igo marãpũkũmakũ õãbokoa”, ãrĩbokumi. Irasũ ãrĩgũ nomesukõãburo. Irasiriri, ñerõ iriri ããrĩbea. ³⁷ Gajigũ gapũ: “Nomesuro gããmekoa”, ãrĩbiribokumi. ãsũ gapũ ãrĩbokumi: “Yũ magõ marãpũkũbirikõãburo”, ãrĩbokumi. ĩgũ irasũ ãrĩmakũ, igore õãrõ waabokoa. ĩgũ irasũ iridũari õãgorabokoa. ³⁸ Magõrẽ marãpũkũdoregũ, õãrõ irigũ yãmi. Irota marãpũkũdorebi gapũ nemorõ õãrõ iritarinũgãgũ yãmi. Daporare marĩrẽ wãri ñerõ tariri ããrã. Irasiro marãpũkũbirimakũ, marãpokũbirimakũ nemorõ õãa.

³⁹ Marĩpũ marĩrẽ doreri ãsũ ãrã. Marãpũkũgo igo marãpũ okamakũ, ĩgũ merã ããrĩnĩkõãburo. ĩgũ boadero pũrũgue, gajigũ igo suyugũre marãpũkũmasĩgokumo ĩgũ Jesúre bũremugũ ããrĩmakũ. ⁴⁰ Yũ gapũ ãsũ ãrĩ gũñãa. Igo dupaturi marãpũkũbeo, nemorõ usuyabokumo. Yũde, gajerã mũsãrẽ buerimasã irirosũ Õãgũ deyomarĩgũrẽ opãa. Irasirigũ irire werea mũsãrẽ.

8

*¿Keori weadea pũro baari pídeare baamakũ õãkuri?
ãrĩ gojãdea*

1 Dapora mʘsā: “¿Keori weadea pʘro baari pʘdeare baamakū ōākuri?” ārī sērēñadeare yʘjʘgʘra. Mʘsā irire masīa. Īgʘsā bʘremurī weadea neō wajamāa. Irasirirā: “Gʘa tamerā ōārō masīa”, ārī gūñarā, gajerārē masītarinʘgādʘarā irirosū yāa. Gajerārē maīrā, āsū gapʘ iriro gāāmea. Nemorō Īgʘsārē Marīpʘyare bʘremunemomakū iriro gāāmea. 2 Sugʘ: “Masīpeokōāa”, ārīgʘno, ōārō masībemi. Wári dʘyāa Īgʘ masībiri. 3 Marīpʘ Īgʘrē maīgʘ gapʘre masīmi. “Yaagʘ āārīmi, Īgʘrē masīa”, ārīmi.

4 Irasirigʘ yʘ mʘsārē keori weadea pʘro baari pʘdea baarire weregʘra. Diayeta āārā. Īgʘsā bʘremurī weadea neō wajamāa. Gajigʘ, Marīpʘ irirosū āārīgʘ neō mami. Īgʘ sugʘta āārīmi. 5 Gajerā masaka Īgʘrē bʘremunerā wārā gajerānorē bʘremuma. Ūmarōgue āārīrārē, i ũmʘgue āārīrārē bʘremuma. “Marī bʘremurā, marī oparā āārīma”, ārī bʘremuma. 6 Marīpʘ sugʘta āārīpererire iridi āārīmí. Irasirirā marī Īgʘyarā āārīsīā, Īgʘ dorerire irimurā āārā. Irasū āārīmakū, Jesucristo sugʘta marī Opʘ āārīmi. Īgʘ merā Marīpʘ āārīpererire iridi āārīmí. Īgʘ merā marīdere Īgʘyarā āārīmakū iridi āārīmí. Irasirirā Īgʘ merā āārīnīkōārākoa.

7 Yʘ wereri diaye āārīkerepʘra, surāyeri Jesúre bʘremurā irire masībema. Iripoegue keori weadeare bʘremunerā āārīsīā, daporadere iri keori weadea pʘro baari pʘdeare baarā: “Marī bʘremunerā keori weadeare bʘremurā yāa”, ārī gūñadima. Irasirirā ōārō masīmerā irire baarā: “Ñerō irirā yāa”, ārī gūñadima. Irasū

gũñakererã, irire baakõãma. ⁸ Marĩ irire baarã, Marĩpɛ merã nemorõ õãrõ ããrĩmasĩbirikoa. Gajerã nemorõ õãrã waabirikoa. Irire baamerãde, gajerã nemorõ ñerã waabirikoa. ⁹ Irasũ ããrĩkerekɛpɛɛɛ, õãrõ pɛmasĩka! Mɛsã noó gããmerõ baarã, gajigɛ Jesúre bɛremuturabire ñerõ irimakũ iribirikõãka!
¹⁰ Æsũ ããrã. “Ígũsã bɛremurĩ keori weadea neõ wajamáa”, ãrĩ masĩa. Irasirirã iri keori weadeare bɛremurĩmasã baarogue baarã: “Õãbea”, ãrĩ gũñabea. Jesúre bɛremuturabi gapɛ, mɛsã irogue baamakũ ãgũ: “Irogue baarã, Marĩpɛre bɛremubema”, ãrĩ gũñabokumi. Irasũ ãrĩ gũñakeregɛ, mɛsãrẽ ãkũĩ, Ígũde baakõãbokumi. Irasũ baagɛ: “Ñerõ irigɛ yáa”, ãrĩ gũñabokumi. Ígũ irasũ gũñamakũ, mɛsã Ígũrẽ ñerõ irimakũ irirãkoa. ¹¹ Mɛsã õãrõ masĩrã irogue baarã, gajigɛ õãrõ masĩbi gapɛre ñerõ irimakũ iribokoa. Cristo Ígũdere boabosadi ããrĩmĩ. Irasirirã mɛsã baari merã Cristoyagɛre poyanorẽbokoa. ¹² Irasũ ããrĩmakũ, gajigɛ õãrõ masĩbire: “Irire baamakũ ñegorãa”, ãrĩ gũñakeregɛ irire baamakũ irirã, Cristodere ñerõ irirã yáa. ¹³ Irasirigɛ yɛ baari merã gajigɛ Cristoyagɛre ñerõ irimakũ iribokoa, ãrĩgũ, iri baarire neõ dupaturi baabirikoa.

9

Jesús buedoregɛ pídi Ígũ wajatarimarẽ gojadea

¹ Jesucristo yɛre Ígũyare buedoregɛ pídi ããrĩmĩ. Irasirigɛ yɛde gajerã Ígũ buedoregɛ pínerã irirosũta irimasĩa. Yɛde marĩ Opɛ Jesúre ããdita ããrã. Irasũ ããrĩmakũ, yɛ mɛsãrẽ Ígũya kerere buemakũ pérã, Ígũrẽ bɛremunɛgãbɛ. ² Gajerã

yure: “Ígũ Jesús buedoregũ pídi meta ããrĩmi”, ãrĩ werewhakerepũũ, mũsã gapũ irasũ ãrĩbea. Yũ buemakũ pérã, mũsã Jesúre bũremubũ. Irasirirã ígũrẽ bũremurã ããrĩsĩã, yure: “Ígũ Jesús buedoregũ pídi ããrĩmi”, ãrĩ masĩa.

³ Yũre werewharãrẽ ãsũ ãrĩ yũjũgũra. ⁴ Yũ mũsãrẽ bueri waja, mũsã yũre baari ejo, iirĩri tĩãmakũ ñeãmasĩa. ⁵ Gajerã Jesús buedoregũ pínerã, ígũ pagũpũrã, Pedrosã buegorenarã, ígũsã marãposã nomerẽ ãĩãnama. Ígũsã irirosũta yũde Jesucristore bũremugõrẽ marãpokũgũ ãĩãnabokoa. ⁶ ¿Naásũ gũñarĩ mũsã? Gajerã Jesús buedoregũ pínerã mũsãrẽ buerã, ígũsã baaburire moã wajatabema. ¿Nasirirã yũ, Bernabé mũsãrẽ buerã, gũa baaburire wajatadũarã, moãduúmasĩbirikuri? ⁷ Surara ígũ baaburi waja ígũ basi wajaribirikumi. Ígũ surara moãrĩ waja ígũ oparã gapũ irire wajaribosakuma. Iguidari otedi, ígũ otedea dukare tea, baamasĩkumi. Ovejare koregũde, ígũsãya ũpĩkure bipi, iirĩmasĩkumi. ⁸ Yũ mũsãrẽ irasũ ãrĩgũ, masaka gũñarĩ merã werebea. Yũ ãrĩrõsũta Marĩpũ doreri gojadea pũgue ãsũ ãrĩ gojasũdero ããrĩbũ: ⁹ “Wekũ trigo yeri gasirire ígũya guburi merã kũra koro, trigore baadũagũ baaburo. Ígũya disi túsãrĩ berore túsãbirikõãka!” ãrĩ gojasũdero ããrĩbũ. Marĩpũ irire doregũ, wekũayama direta ãrĩgũ meta iridi ããrĩmĩ. ¹⁰ Irire doregũ, gũa ígũya kerere buerãya ããrĩburire ãrĩgũ iridi ããrĩmĩ. Æsũ ããrã. Sugũ oteburore ãmukumi. Pũrũ gajigu iro otedea dukare seakumi. Irasirirã iri otedea dukare dukawaburire gũñarã, pẽrãgueta õãrõ moãkuma. ¹¹ Gũa mũsãrẽ Marĩpũya werenĩrĩrẽ

buerã, oterimasũ ãgũ oteri yerire otegũ irirosũ iribũ. Oterimasũ ãgũ moãrĩ waja, ãgũ otedea dukare seamasĩkumi ãgũya ããrĩburire. Irasiro, gũa musãrẽ bueri waja, musã guaya ããrĩburire gajino guare sĩmakũ õãbokoã. ¹² Musã guare sĩbirikererã, gajerã buerã musãrẽ sërẽmakũ, ãgũsã gapure sũyuro. Gũa gapũ ãgũsã nemorõ sërẽmasĩa musãrẽ bueri waja.

Gũa musãrẽ: “Sĩka!” ãrĩbonerã ããrĩkererã, neõ irasũ ãrĩbea. “ãgũsã Cristoya kerere pẽduabiribokuma gũa ãgũsãrẽ gajinorẽ sërẽmakũ”, ãrĩ gũñabũ. Irasirirã gũa gããmerĩrẽ opabirikerepũ, musãrẽ neõ sërẽbiribũ. ¹³ Musã ire masĩa. Marĩpũya wiigue moãrĩmasã, Marĩpũre bũremurã waibũ diĩ ãri sĩdeare baama ãgũsã irogue moãrĩ waja. Iri wiima waimurãrẽ wẽjẽ soepeoro pũro moãrãde irireta baama. ¹⁴ I irirosũta marĩ Opũ ãgũya kerere wererãya ããrĩburire ãsũ ãrĩdi ããrĩmĩ: “ãgũsã moãrĩ merã ãgũsã baaburire wajata baaburo”, ãrĩdi ããrĩmĩ. ¹⁵ Irasũ ããrĩkerepũ, yũ gapũ musãrẽ: “Sĩka!” neõ ãrĩbiribũ. Daporadere gojagũ, musãrẽ gajino sërẽgũ meta gojãa. Ũaboari merã boakeregũ, musãrẽ buedea waja neõ wajaseabirikoa. Irasirigũ wajamarĩrõ musãrẽ usũyari merã buea. Yũ musãrẽ buedea waja merã neõ wajata baabirikoa.

¹⁶ Marĩpũ yũre ãgũ masakare tauri kerere were-doregũ pídi ããrĩmĩ. Irasirigũ yũ iri kerere weregũ: “Gajerã nemorõ masĩtarĩngãgũ ããrã”, neõ ãrĩ gũñabea. Iri kerere werebi, bũro bũjawereri merã ñerõ taribokoã. ¹⁷ Iri kerere yũ basi yũ gũñarĩ merã buegũ, wajatabokoã. Marĩpũ yũre dorederosũta iri kerere buegũ, ãgũ yũre pídea gapure irigũ yãa.

Īgũ yũre píderosũta iriro gããmea. Gaji gapũre neõ irimasĩna máa. ¹⁸ Irasirigũ Jesucristoya kerere buegũ, yũ bueri waja musãrê: “Wajarika!” ãrĩ sêrêbuno ããrĩkeregũ, irire neõ sêrêbiribũ. Yũ irasirimakũ, yũ wajatari ãsũ ããrã: “Jesucristo Īgũrê bũremurãrê taugũkumi”, ãrĩrĩ kerere wajamarĩrõ buegũ, õãrõ ɯɯyari merã ããrã. Irita ããrã yũ wajatari.

¹⁹ Masakare moãboegũ neõ ããrĩbirikeregũ, ããrĩpererãrê moãboegũ irirosũ irigũ yáa, Īgũsã Jesucristoya kerere péburo, ãrĩgũ. Wãrã Īgũrê bũremumakũ gããmegũ, irasũ yáa. ²⁰ Irasirigũ yaarã judío masaka merã ããrĩgũ, Īgũsã õãrĩ iririkũrosũta yáa, Īgũsã Jesúre bũremumakũ gããmegũ. ãsũ ããrã. Īgũsã Moisés dorerire bũremuma. Yũ Moisés doreri direta bũremugũ ããrĩbirikeregũ, Īgũsã merã ããrĩgũ, Īgũsã iririkũrosũta yáa, yũ buerire pémakũ gããmegũ.

²¹ Moisés dorerire bũrenumerã merã ããrĩgũ, Īgũsã õãrĩ iririkũrosũta yáa, Īgũsãde Jesúre bũremumakũ gããmegũ. Irasirikeregũ, Cristore bũremusĩã, Marĩpũ dorerire tarinũgãbea.

²² Jesúre bũremuturamerã merã ããrĩgũ, Īgũsã õãrĩ iririkũrosũta yáa, Īgũsãde Jesúre bũremunemburo, ãrĩgũ. “Musã nemorõ Jesúre bũremugũ, Īgũyare masĩpeogũ ããrã”, neõ ãrĩbea Īgũsãrê. Irasirigũ ããrĩpererã õãrĩ iririkũrosũta yáa: “Surãyeri yũ buerire pérã, tausũrãkuma”, ãrĩgũ. ²³ I ããrĩpererire irasũ yáa: “Jesucristo Īgũrê bũremurãrê taugũkumi”, ãrĩrĩ kerere Īgũsã õãrõ péburo, ãrĩgũ. Īgũsã iri õãrĩ kerere bũremumakũ ĩãgũ, yũ Īgũsã merã bũro ɯɯyáa.

24 Mũsārē i keori merā āsũ ārĩ werea. Ũma birarimasā, āārĩpererā ũmakererā, wajataperebirikuma. Ũmaturagũ dita wajatakumi. Irasirirā, wajatadũagũ buro ũmaderosũta mũsāde Marĩpũ gāāmerĩrē ōārō irika, ĩgũ sĩburire wajatamurā! 25 Āārĩpererā ũma biramurā ĩgũsā ũmaburi dupuyuro ōārō ũma buekuma. Āārĩpereri ĩgũsāya dupure poyanorēĩrē pirikōākuma. Olivo wāĩkũdima pũrĩ merā iridea berore wajatadũarā, irasũ ũma buekuma. Pũrũ gajerārē ĩmurā, wajatadiya dipurugue iri berore peokuma. Iri bero mata boakōākoa. Marĩde Marĩpũyare ōārō buero gāāmea. Ũerĩrē pirikōā, ĩgũ gāāmerĩ gapure iriro gāāmea, ĩgũ sĩburire wajatamurā. ĩgũ sĩrĩ neō boabirikoa. 26 Irasirigũ yũ gapũ, ũma birarimasũ ĩgũ noó gāāmerō ũmagũ irirosũ iribea. Yũ gāāmerō irimoāmabea. Marĩpũyare masĩsĩā, ĩgũ gāāmerĩrē irigũ yāa. 27 Irasirigũ yũ iridũarire, yũ ũaribejarire iribea. Yũ iridũarire irimakũ, gajerārē Marĩpũyare buedi āārĩkererũgũ, Marĩpũ yũre: “Ōārō iribũ”, ārĩbiribokumi.

10

Keori weadeare bũremubirikōāka! ārĩ gojadea

1 Yaarā, mũsārē irire masĩmakũ gāāmea. Marĩpũ, gũna ñekũsāmarā merā āārĩdi āārĩmĩ ĩgũsārē Egiptogue āārĩrārē āĩ wiugũ. ĩgũ iriudea mikāyebo merā ĩgũsārē dupuyudi āārĩmĩ. Āārĩpererā ĩgũrē tũyarā, dia wádiya, deko diiadiya wāĩkũdiya dekogue, bojori maá ĩgũ iridea maague taribujanerā āārĩmá. 2 ĩgũsā Moisés merā mikāyebo doka, dia wádiyare taribujanerā

ãārĩmá. Iro taribujarã, ããrĩpererã ãgũ merã wádiya dekode wãiyesũrã irirosũ waanerã ããrĩmá. Iri merã ãgũyarã ããrĩrĩrẽ ãmunerã ããrĩmá. ³ ãgũsã ããrĩpererã Marĩpũ sídea ãmũgasima baarire baanerã ããrĩmá. ⁴ ããrĩpererã Marĩpũ ãtãyegue deko wiridoredeare iirĩnerã ããrĩmá. Cristo iri ãtãye irirosũ ããrĩdi ããrĩmĩ. ãgũta okari sídi ããrĩmĩ. Irasirigũ ãgũta ãgũsãrẽ wapikũwãgãdi ããrĩmĩ. ⁵ Marĩpũ ãgũsãrẽ õãrõ iritamukerepũrũ, wárã ãgũ dorerire tarinũgãnerã ããrĩmá. ãgũsã irasirimakũ ããgũ, Marĩpũ ãgũsãrẽ ããsuyubiridi ããrĩmĩ. Irasirigũ ãgũsãrẽ masaka marĩrõgue boamakũ iridi ããrĩmĩ ãgũ dorerire tarinũgãdea waja.

⁶ ããrĩpereri ãgũsãrẽ waadea kere, marĩrẽ ãgũsã iriderosũ ãnerĩrẽ iribirikõãburo, ãrĩ keori pídea ããrã. ⁷ Irasirirã, keori weadeare surãyeri ãgũsã bũremuderosũ bũremubirikõãka! Keori weadeare ãgũsã bũremudeare Marĩpũya werenĩrĩ gojãdea pũgue ãsũ ãrĩ gojasũdero ããrĩbũ: “Masaka baa, iirĩ odo, bosenũ irinũgãnerã ããrĩmá”, ãrĩ gojasũdero ããrĩbũ. ⁸ Pũrũ surãyeri ãma nomerẽ ãnerõ iri gãmebiranerã ããrĩmá. ãgũsã iriderosũ iribirikõãrõ gããmea marĩrẽ. ãgũsã ãnerõ iriri waja, sunũrẽ veintitrés mil masaka boanerã ããrĩmá. ⁹ Gajipoe gajerã: “Marĩpũ gũare õãrõ korebemi”, ãrĩ werewũanerã ããrĩmá. ãgũsã ãrĩderosũ ãrĩbirikõãrõ gããmea marĩrẽ. ãgũsã ãnerõ werenĩrĩ waja ãgũsãrẽ ããna kũrĩ wẽjẽnerã ããrĩmá. ¹⁰ Gajipoe gajerã ãgũsã Marĩpũ irideare ãnerõ ãrĩ werewũamakũ, Marĩpũre wereboegũ ãgũsãrẽ wẽjẽdi ããrĩmĩ. ãgũsã ãrĩderosũ ãrĩbirikõãrõ gããmea marĩrẽ.

¹¹ Marĩrẽ inũ marãrẽ i ãmũ pereburo mérõgã

dɥawāgāriro yáa. Irasirigu Marĩpu ĩgũya werenĩri gojadea pũgue gwa ñekũsāmarārē ĩgũ wajamoādeare gojadoredi āārĩmĩ, ĩgũsā iriderosũ ñerō iribirikōāburo, ārĩgũ. ¹² Sugũ: “Yũ tamerā Marĩpure ōārō buremusiā, ñerō iribirikoa”, ārĩ gũñagũno, ōārō pēmasĩka, iripoegue marā iriderosũ ñerĩrē iriri, ārĩgũ! ¹³ Gajipoere marĩ āārĩpererā sugũ dɥyaro marĩrō ñerĩrē iriduarā, wātĩ ñerĩ ārĩmesāsũrā, ñerō tarirā āārā. Irasũ āārĩkererũ, Marĩpu gapũ ĩgũ ārĩderosũta marĩrē iritamunĩkōāmi ñerĩrē tarinugāburo, ārĩgũ. Marĩ ñerĩrē tarinugānemomasĩbirimakũ ĩāgũ, gaji ñerĩrē tau kāmutangukumi marĩrē poyanorĩrĩ, ārĩgũ. Irasirigu marĩrē ĩgũ merā gũñaturamakũ irigukumi ñerĩrē iribirikōāburo, ārĩgũ.

¹⁴ Yaarā yũ maĩrā, yũre péka! Neō keori weadeare buremubirikōāka! ¹⁵ Musā ōārō pēmasĩrā āārĩmakũ, irire musārē werea. Irasirirā yũ ārĩrĩrē: “Diayeta āārā”, ārĩ masiā. ¹⁶ Marĩ nerē bokatĩrĩrā Marĩpure: “Ōāa”, ārĩ, usuyari sĩ odo, igui deko iirĩripare iirĩa. Irasũ iirĩrā: “Cristo boagũ, marĩ ñerĩ iridea wajare ĩgũ dí béodea merā wajaribosadi āārĩmĩ”, ārĩ ĩmua. Pārũrē marĩ dukawa baarā: “Cristo ĩgũya dupũ curusague boadea merā marĩrē ĩgũyarā āārĩmakũ iridi āārĩmĩ”, ārĩ ĩmua. ¹⁷ Marĩ wārā āārĩkererā, suru pārũrē dukawa baarā, āārĩpererā marĩ Cristoyarā su dupũta irirosũ āārā. Irasirirā sugũyarāta āārā.

¹⁸ Gũyarā Israel marā Moisés dorederosũta iririre gũñaka! Marĩpure buremurā, ĩgũya wiigue waibũre āiā wējē soema. Wējē soe odo, Marĩpu ĩũrō diire baama. Irasũ baarā: “Marĩpũyarā āārā”, ārĩ ĩmuma. ¹⁹ Yũ ire irasũ ārĩgũ: “Keori

weadea wajakua, irasiro iri keori weadea puro waibu dií pídea, gaji waibu dií nemorõ ããrã”, ãrĩgũ meta yáa. ²⁰ Āsũ gapu ãrĩ werea. Marĩpũre masĩmerã, keori weadea puro waibu dií pírá, Marĩpũre buremubema. Wãtẽa gapũre buremurã yáma. Īgũsã irasũ buremumakũ, Īgũsã buremurĩ wiigwe musã Īgũsã merã baarã: “Wãtẽayarã ããrã”, ãrĩ ĩmurã irirosũ yáa. Musã irasirimakũ, neõ gããmebea. ²¹ Marĩ Opũ Jesucristoyarã ããrĩsĩã, ĩgũrẽ buremurã nerẽ bokatĩrĩã, igui deko iirĩripare iirĩ, pãrũrẽ dukawa baáa. Gajerã ĩgũsã keori weadeare buremurã iirĩri, waibu dií ĩgũsã baari, wãtẽaya ããrã. Irasirirã marĩ Opũ Jesúyare baarã, wãtẽayare baamasĩbea. Irasũta wãtẽayare baarã, Jesúyare baamasĩbea.

²² Marĩ Opũ ĩgũyarãrẽ ĩgũ direta buremumakũ gããmemi. Irasirirã marĩ wãtẽãrẽ buremurã, marĩ ĩgũrẽ guamakũ iribokoa. Īgũ guamakũ, marĩ ĩgũrẽ tarinũgãmasĩbirikoa. Marĩrẽ wajamoãburire kãmutamasĩbirikoa.

Marĩpũ gããmerĩ direta irika! ãrĩ gojadea

²³ Masaka surãyeri ãsũ ãrĩ werenĩma: “Marĩ iridũarire noó gããmerõ irimasĩa”, ãrĩ werenĩma. Īgũsã irire irasũ ãrĩkerepũru, ããrĩpereri marĩ iridũarire irirã, gajerãrẽ iritamurã meta yáa. Noó marĩ gããmerõ irirã, gajerãrẽ Marĩpũre buremunemomakũ iribiribokoa. ²⁴ Marĩya ããrĩburi direta gũñabirikõãrõ gããmea. Gajerãya ããrĩburidere gũñarõ gããmea.

²⁵ Irasirirã baari duarogue baarire wajarirã, noó gããmerõ wajari baaka! “¿I baari keori weadea pũrogue pídea ããrĩrĩ?” ãrĩ sërẽñabirikõãka: “Irire

baarã, ñerõ irirã yáa”, ãrĩ gũñarĩ, ãrĩrã! ²⁶ Marĩpuya werenĩrĩ gojadea pũgue ãsũ ãrĩ gojasũdero ããrĩbú: “Ããrĩpereri i ùmuma, marĩ Opuya ããrã”, ãrĩ gojasũdero ããrĩbú. Irasirirã ããrĩpereri Ìgũ baari pídeare baamasĩa.

²⁷ Jesúre bũremubi mũsãrẽ baadoregũ siiumakũ, waadũarã waaka! Baarã waarã, mũsãrẽ Ìgũ ejorire baaka! “¿I baari, keori weadea pũrogue pídea ããrĩrĩ?” ãrĩ sërẽñabirikõãka: “Irire baarã, ñerõ irirã yáa”, ãrĩ gũñarĩ, ãrĩrã! ²⁸ Gajigũ iro ããrĩgũ ãsũ ãrĩbokumi mũsãrẽ: “I baari, keori weadea pũrogue pídea diĩ ããrã”, ãrĩbokumi. Ìgũ irasũ ãrĩmakũ, iri diire baabirikõãka! Ìgũ, mũsã baamakũ: “Ñerĩrẽ irirã yáama”, ãrĩ gũñabokumi. Ìgũ irasũ ãrĩ gũñabirikõãburo, ãrĩrã, irire baabirikõãka! ²⁹ Yũ irire ãrĩgũ, Ìgũ gũñarĩrẽ werenígũ yáa. Mũsã gũñarĩrẽ wereníbea.

Mũsã gapũ ãsũ ãrĩ sërẽñabokoa yũre: “¿Nasirirã, gajigũ diaye gũñabiri waja, gũa iridũarire gorawayubokuri? ³⁰ Gũa baarire Marĩpũre: ‘Õãa’, ãrĩ, ɯɯyari sĩmakũ, gajigũ gũa baarire werewũamasĩbemi”, ãrĩbokoa mũsã yũre. ³¹ Yũ gapũ ãsũ ãrĩ werea mũsãrẽ. Mũsã baa, iirĩrã, gajinorẽ irirãde, Marĩpũ gããmerĩ direta irika, gajerãde Ìgũrẽ: “Õãtarigũ ããrĩmi”, ãrĩ bũremuburo, ãrĩrã! ³² Neõ mũsã iriri merã judío masakare, judío masaka ããrĩmerãrẽ, Marĩpũyarãdere ñerõ irimakũ iribirikõãka! ³³ Yũ irirosũ irika! ããrĩpereri yũ iriri merã masaka ããrĩpererãrẽ õãrõ iridũáa. Irasirigũ õãrõ yũ ããrĩburi direta gũñabea. Gajerãya ããrĩburi gapũre õãrõ gũñáa, Ìgũsãde Jesucristore bũremuburo, ãrĩgũ. Ìgũrẽ bũremumakũ, Ìgũsãrẽ

taugakumi, peamegue waabirikõãburo, ãrĩgũ.

11

¹ Irasirirã yᵐ Cristore irituyarosũta mᵐsãde yᵐre irituyaka!

Jesúre bᵐremurã nerẽrõgue nome iririmarẽ go-jadea

² Yaarã, yᵐre mᵐsã gũñamakũ, ããrĩpereri yᵐ buedeare keoro irimakũ ãgũ, mᵐsãrẽ: “Óãrõ yáa”, ãrĩ, ᵐᵐyari merã werea. ³ Gaji mᵐsãrẽ masĩmakũ gããmea. Cristo, ããrĩpererã ᵐma dipuru ããrĩmi. ᵐmᵐ, marãpore igo dipuru ããrĩmi. Marĩᵐ, Cristo dipuru ããrĩmi. ⁴ Mᵐsã Marĩᵐre bᵐremurã nerẽmakũ, sugᵐ Marĩᵐre sêrẽgũ, Marĩᵐ ãgũrẽ weredoredeare weregᵐ, ãgũya dipurure bᵐᵐabirikumi. ãgũya dipurure bᵐᵐagu, gᵐyasĩũrõ irigᵐ iribokumi. Cristore ãgũ Orᵐre gopeyari merã bᵐremubiribokumi. ⁵ Nomeõ garᵐ Marĩᵐre sêrẽgõ, Marĩᵐ igo weredoredeare werego, igoya dipurure bᵐᵐakumo. Igoya dipurure bᵐᵐabeo, gᵐyasĩũrõ irigo iribokumo. Marãᵐre igo dipurure gopeyari merã bᵐremubiribokumo. Poari pera wᵐᵐabéodeo irirosũ ããrĩbokumo. ⁶ Igoya dipurure bᵐᵐadᵐabirimakũ, diayeta igoya poarire pera wᵐᵐabéokõãrõ gããmea. Igoya poarire pera wᵐᵐabéoduabeo: “Gᵐyasĩũgoráa”, ãrĩgõ, igoya dipurure bᵐᵐaburo. ⁷ ᵐmᵐ garᵐ Marĩᵐ irirosũ orᵐ ããrĩsĩã, ãgũya dipurure bᵐᵐabirikõãburo, Marĩᵐ yᵐ Orᵐ ããrĩmi, ãrĩ ãmubu. Nomeõ garᵐ igoya dipurure bᵐᵐaburo, ᵐmᵐ yᵐ orᵐ ããrĩmi, ãrĩ ãmubo. ⁸ Neõgoraguere Marĩᵐ ᵐmᵐrẽ irigᵐ, nomeõya gõã merã iribiridi ããrĩmí. Nomeõ garᵐre

ũmúya gõã merã iridi ããrĩmĩ. ⁹ Irasirigu ãmúurẽ irigu, nomeõrẽ iritamubure iribiridi ããrĩmĩ. Nomeõ gapure, ãmúurẽ iritamubore iridi ããrĩmĩ. ¹⁰ Irasirirã musã Marĩpure buremurã nerërõguere, nome ãgũsãya dipure buuro gãamea. Irasũ buurã, ãmúu dorerire õãrõ yujũrire ãmurãkuma. ãgũsã irasiririre Marĩpure wereboerã ããrãkuma. ¹¹ Irasũ ããrĩkerepurũ, marĩ Jesucristore buremurã gãme iritamua. Őma, nome iritamurĩ marĩrõ ããrĩmasĩbirikuma. Nomedede ũma iritamurĩ marĩrõ ããrĩmasĩbirikuma. ¹² Diayeta ããrã. Marĩpure nomeõrẽ ãmúya gõã merã iridi ããrĩmĩ. Ide diayeta ããrã. Őma, nome merã deyoama. Irasirirã ããrĩpererã masaka: ũma, nomedede Marĩpure irinerã ããrĩma.

¹³ I ããrĩpereri diayeta ããrĩmakũ, ¿musã basi naásũ gũñarĩ? Musã Marĩpure buremurã nerërõgue, nomeõ igoya dipurure buubeota, Marĩpure sërẽmakũ ¿õãrĩ, o õãberi? ¹⁴ Őmúu poañapu ũmamakũ guyasĩũgorãa. ããrĩpererã masaka irire masĩma. ¹⁵ Nomeõ poañapu ũmagõ ããrĩmakũ: “Õãgorãa”, ãrã. Igo poañapu ũmamakũ, igoya dipuru buuro irirosũ ããrã. ¹⁶ Yũ werenĩrĩrẽ: “Irasũ ããrĩbea”, ãrĩ guaseodũagunorẽ ãsũ ãrĩ weregũra. Marĩ Jesũre buremurã, gajerã Marĩpureyarãde irire irasũ dita yãa.

Marĩ Opũ Jesucristo boadeare gũñarã, ãgũ nerẽ baadorederosũ keoro iribiridea

¹⁷ Dapora musãrẽ gajĩ gojãa. Irire gojagũ, yũ musãrẽ: “Õãrõ irirã yãa”, ãrĩbea. Musã nererã, õãrõ iriboanerã, ubu gapũ poyanorẽayuro. ¹⁸ Irasirigu ãsũ ãrĩ werepurorigũra musãrẽ. Musã nererã, gãme guaseo dukawariayuro. Gajerã yũre irire

weremakū pégu: “Diayeta āārīkoa”, ārī gūñāa.
 19 Mūsā gāme dukawarirā, āsū ārī gūñakoa: “Marīrē
 gāme dukawariro gāāmea. Irasirirā, ¿noā gapu
 Jesucristoyarāgora āārīrī? ārī masīrākoa”, ārīkoa.
 20 Irasirirā mūsā gāme dukawariri waja, mūsā
 marī Opu Jesucristo boadeare nerē gūñarā, ĩgū
 buerā merā baatūnugū dorederosū keoro iirī,
 baabea. 21 Mūsā nerē baarā, surāyeri noó gāāmerō
 baapurorikōāa. Gajerā uaboama. Gajerā mejāma.
 22 Mūsā noó gāāmerō iirī, baaduarā, ¿nasirirā
 mūsāya wiirigüe baa, iirīberi? Mūsā Marīpuyarā
 āārīkererā, noó gāāmerō baa, iirīrā, mūsā nerērē
 wajamarīrōsū irirā yāa. Mūsā watopegue āārīrā
 baari opamerārē guyasīūrō tarimakū irirā yāa.
 Mūsā irasiriri kerere pégu, ¿naāsū ārī weregukuri
 yu mūsārē? “Ōārō irirā yāa”, ārībirikoa.

*Marī Opu Jesucristo ĩgū buerā merā baatūnudeare
 gojadea*

23-24 Marī Opu Jesucristo yue buedeare yu
 mūsārē werebu. Iri āsū āārā. ĩgūrē wējēduarāguere
 ĩgūrē Judas ĩmuburi dupuyuroma ñamita marī Opu
 Jesucristo pārūrē āi, Marīpure: “Murē usuyari
 sīa”, ārī, irirure pea, ĩgū buerārē: “I yaa dupu
 āārā”, ārī gueredi āārīmī. “Irasirirā yu mūsā
 merā dapora iriaderosū nerē, pārūrē baarikū,
 yu mūsārē boabosarire gūñaka!” ārīdi āārīmī.
 25 ĩgūsā baa odoadero puru, pārūrē āiderosūta
 iirīripare āi, āsū ārīdi āārīmī: “Yu mūsārē boabosagu
 yaa dí béori merā Yupu mūsārē: ‘Ōārō irigura’,
 ārīdeare iriyuwarikugukumi. Irasirirā mūsā nerē,
 iirīripare iirīrikū, yu dí béobosarire gūñaka!” ārīdi

ãārĩmĩ. ²⁶ Īgũ ãrĩderosũta irirã, marĩ nerẽrã, pãrũrẽ baarikũ, iirĩripare iirĩrikũ: “Marĩ Opũ Jesucristo marĩrẽ boabosadi ãārĩmĩ”, ãrĩ ĩmurãkoa. Irire irinĩkõãrõ gããmea. Īgũ i ãmũgue dupaturi aarimakũ, irire irinemobirikoa.

Marĩ Opũ Jesucristo boadeare gũñarã, ãsũ iridorea, ãrĩ gojadea

²⁷ Marĩ Opũ Jesucristo boadeare marĩ nerẽ gũñaripoe Marĩpũre bũremurĩ marĩrõ merã pãrũrẽ baa, iirĩripare iirĩgano ñerõ irigu yami. Jesucristo marĩrẽ boabosagu dí béodeare ubu ãārĩrĩ irirosũ gũñami. ²⁸ Irasirirã pãrũrẽ baa, iirĩripare iirĩburi dupuyuro masakakũ marĩ irideare: “Ñerõ irikubũ”, ãrĩ gũñapũroriro gããmea. ²⁹ Marĩ Opũ Jesucristoya dupũ ãārĩrĩrẽ pémasĩrõ marĩrõ merã pãrũrẽ baa, iirĩripare iirĩmakũ, Marĩpũ marĩrẽ wajamoãgũkumi. ³⁰ Mũsã irire pémasĩbiridea waja wãrã mũsã merãmarã pũrĩrikurã, turamerã ãārĩma. Surãyeri boakõãsiamã. ³¹ Marĩ baa, iirĩburi dupuyuro marĩ irideare: “Ñerõ irikubũ”, ãrĩ gũñapũrorimakũ, marĩ Opũ marĩrẽ wajamoãbirikumi. ³² Marĩ Opũ gapũ marĩrẽ ĩgũyarãrẽ marĩ ñerĩ iririre piriburo, ãrĩgũ, wajamoãmi. Irasirigu ĩgũrẽ bũremumerãrẽ peamegue waadore, marĩ gapũre ĩgũsã merã wajamoãbirikumi.

³³ Irasirirã yaarã, mũsã nerẽ baarã, suro merã baamurã gajerãdere yũka! ³⁴ Uboagũno ĩgũya wiigue baaburo. Irasirimakũ, mũsã õãrõ nerẽ baamakũ, Marĩpũ mũsãrẽ wajamoãbirikumi. Gajire mũsã pũroge waagũ, õãrõ were ãmũgũra.

12

Ōāgū deyomarīgū Marīpuyare marirē irimasīmakū iririre gojadea

¹ Yaarā, Ōāgū deyomarīgū Marīpuyare marirē irimasīmakū irigū āārīmi. Yu irire musārē ōārō masīmakū gāāmea. ² Musā ire ōārō masīsiāa. Jesucristore b̄remuburi dupuyuro keori weadeare b̄remutuyanerā āārībú. Iri keori weadea okari opabea. Neō wereníbea. ³ Irasirigū daporare yu musārē ire masīmakū gāāmea. Neō sugū Ōāgū deyomarīgū iritamurī merā weregū: “Jesure ñerō waanaburo”, ārīmasībirikumi. Gajigū Ōāgū deyomarīgū iritamurī marirō merā weregū: “Jesús marī Op̄ āārīmi”, neō ārīmasībirikumi.

⁴ Ōāgū deyomarīgū Marīpuyare marirē irimasīmakū iriri, wári āārā. Īgū sugūta irire sīgū āārīmi. ⁵ Marī Op̄ Jesucristo marirē moādoreri, wári āārā. Īgū sugūta irire moādoregū āārīmi. ⁶ Marīpuyare iriri, s̄rosū āārībea. Marīp̄ sugūta marī āārīpererārē ĩgūyare ōārō irimasīmakū irigū āārīmi. ⁷ Marīp̄ Ōāgū deyomarīgūrē marī masakakure s̄rī merā ĩgū marī merā āārīrīrē ĩmumi, āārīpererā Jesucristore b̄remurārē gāme iritamuburo, ārīgū. ⁸ Ōāgū deyomarīgū surāyerire ōārō masīrī merā Marīpuyare weremakū yāmi. Gajerādere ōārō p̄masīrī merā ĩgūyare weremakū yāmi. ⁹ Gajerārē: “Marīp̄ iritamurī merā marī ōārō irimasīa”, ārī b̄remumakū yāmi. Irasū āārīmakū, gajerārē ĩgū turarire s̄imi p̄rīrikurārē tauburo, ārīgū. ¹⁰ Gajerārē ĩgū turari merā iri ĩmurīrē irimasīmakū yāmi. Gajerārē Marīp̄ ĩgūsārē

weredorerire õãrõ weremasĩmakũ yámi. Gajerãrê: “Wãtĩ turari merã, o Õãgũ deyomarĩgũ turari merã ãsũ yámi ãĩ”, ãrĩ masĩrĩrê sĩmi. Gajerãrê gaji masã ya werenĩrĩ merã ãgũsã dupuyurogue werenĩmasĩbirideare werenĩmasĩmakũ yámi. Gajerãrê, iri werenĩrĩrê masĩbirikererã, Õãgũ deyomarĩgũ iritamurĩ merã: “Ãsũ ãrĩduaro yãa i”, ãrĩ masĩmakũ yámi. ¹¹ Õãgũ deyomarĩgũ marĩ masakakure gajerosũperi dita ãgũ sĩduarire sĩmi. ãgũ sugũta Marĩpũyare marĩ irimasĩburire sĩgũ ããrĩmi.

Marĩ Cristoyarã ããrĩrã su dupũta irirosũ ããrã, ãrĩ gojadea

¹² Marĩya dupũma wãri ããrã. Wãri ããrĩkerero, su dupũta ããrã. Cristode irasũta ããrĩmi. Marĩ ãgũrê bũremurã wãrã ããrĩkererã, su dupũta irirosũ ããrã. ¹³ Murãrõta marĩ ãgũrê bũremurã ããrĩpererã: judío masaka, judío masaka ããrĩmerã, gajerãrê moãboerã, moãboemerãde wãrã ããrĩkererã, Õãgũ deyomarĩgũ sugũ merãta wãĩyesũbũ. Irasirĩgũ marĩrê su dupũta irirosũ ããrĩmakũ yámi. Irasirĩrã marĩ ããrĩpererã Õãgũ deyomarĩgũrê opãa.

¹⁴ Marĩya dupũma ããrĩrĩ su wãita ããrĩbea. Wãri ããrĩkõãa. ¹⁵ Marĩya gubu werenĩrĩ gubu ããrĩrõ ãsũ ãrĩbokoã: “Mojõ ããrĩbea. Irasiriro mũya dupũma ããrĩbea”, ãrĩbokoã. Marĩya gubu irasũ ãrĩkerero, marĩya dupũmata ããrã. ¹⁶ Marĩya gãmipũ werenĩrĩ gãmipũ ããrĩrõ ãsũ ãrĩbokoã: “Koyeru ããrĩbea. Irasiriro mũya dupũma ããrĩbea”, ãrĩbokoã. Marĩya gãmipũ irasũ ãrĩkerero, marĩya dupũmata ããrã. ¹⁷ Marĩya dupũ, koyeru dita ããrĩmakũ,

ɔnasirisĩã, pébokuri marĩ? Marĩya dupu, gãmipũ dita ããrĩmakũ, ɔnasirisĩã, gajinorẽ wĩjĩbokuri marĩ? 18 Marĩpu marĩya dupure irigu, ããrĩpereri ĩgũ gããmerõsũta keoro iridi ããrĩmĩ. 19 ããrĩpereri marĩya dupugue ããrĩrĩno su wãita ããrĩmakũ, marĩya dupu marĩbokuyo. 20 Æsũ ããrã. Marĩya dupugue ããrĩrĩ wãri ããrĩkerepu, su duputa ããrã. I irirosũta marĩ Jesũre buremurã wãrã ããrĩkererã, su duputa irirosũ ããrã.

21 Irasiriro koyeru, mojõrẽ: “Murẽ gããmebea”, ãrĩmasĩbirikoa. Dipuru, guburire: “Murẽ gããmebea”, ãrĩmasĩbirikoa. 22 Æsũ gapu ããrã. Gaji marĩya dupugue ããrĩrĩ, turabiri ããrĩkerepu, marĩ gapu irire buro gããmea. 23 Gaji marĩya dupugue ããrĩrĩrẽ: “Ubu ããrĩrĩ ããrã”, ãrĩ gũñãa. Irasirirã irire õãrõ deyoburo, ãrĩrã, õãrõ ãmua. Gaji marĩ guyasĩrĩsãrĩrẽ surĩ sãña kãmutãa masaka ĩãbirikõãburo, ãrĩrã. 24 Gaji marĩya dupugue ããrĩrĩrẽ õãrĩ deyori gapure ãmubea. Marĩpu marĩya dupugue ããrĩrĩrẽ ããrĩpererire õãrõ ãmudi ããrĩmĩ, su duputa õãrõ dupukuburo, ãrĩgũ. Irasirigu: “Ubu ããrĩrĩ ããrã”, marĩ ãrĩrĩ gapure õãrõ gããmemakũ yãmi. Irasirirã marĩ neõ gajigu Jesũyagure: “Ubu ããrĩgũ ããrĩmi, irasirirã ĩgũrẽ gããmebea”, ãrĩbirikõãrõ gããmea. 25 Æsũta ããrĩdoredi ããrĩmĩ, Marĩpu marĩya dupu suro merã iritamuburo, ãrĩgũ. 26 Marĩya dupugue ããrĩrĩ su wãĩ ñerõ tarimakũ, gajide ããrĩpereri ñerõ taria. Su wãirẽ õãrõ ãmumakũ: “Marĩya dupu ããrĩperero õãrõ ããrã”, ãrĩ gũñãa.

27 Yu irire ãrĩgũ, ãsũ ãrĩduagu yãa. Marĩ Cristore buremurã ĩgũya dupu irirosũ ããrã.

Irasirirã marĩ masakakũ ãgũya dupugue ããrĩã irirosũ ããrã. ²⁸ Irasirigũ Marĩpũ marĩ Jesúre buremurãrẽ gãme iritamuburire pígu, ãsũ pídi ããrĩmĩ. Jesucristo buedoregũ pĩnerãrẽ pípuroridi ããrĩmĩ. Purũ Marĩpũ gajerãrẽ ãgũ weredorerosũ weremurãrẽ pídi ããrĩmĩ. Purũ gajerãrẽ ãgũyare buemurãrẽ pídi ããrĩmĩ. Gajerãrẽ ãgũ turaro merã iri ãmumurãrẽ, gajerãrẽ pũrĩrikũrãrẽ taumurãrẽ, gajerãrẽ masakare iritamumurãrẽ, gajerãrẽ dorerimasã ããrĩmurãrẽ, gajerãrẽ gaji masã ya merã ãgũsã dupuyurogue neõ werenĩmasĩbirideare werenĩmasĩmurãrẽ pídi ããrĩmĩ. ²⁹ Irasirigũ marĩ ããrĩpererãrẽ sũrosũ irimurãrẽ píbiridi ããrĩmĩ. Irasirirã marĩ ããrĩpererã Jesucristo buedoregũ pĩnerã meta ããrã. Marĩ ããrĩpererã Marĩpũ weredorerosũ wererã meta ããrã. Marĩ ããrĩpererã Marĩpũyare buerã meta ããrã. Marĩ ããrĩpererã Marĩpũ turaro merã iri ãmumurã meta ããrã. ³⁰ Marĩ ããrĩpererã pũrĩrikũrãrẽ taumasĩrã meta ããrã. Marĩ ããrĩpererã gaji masã ya werenĩrĩ merã werenĩmasĩrã meta ããrã. Marĩ ããrĩpererã ãgũsã werenĩrĩrẽ péadero purũ: “Ãsũ ãrĩduaro yãa”, ãrĩ wererã meta ããrã. ³¹ Irasirirã Õãgũ deyomarĩgũ Marĩpũyare irimasĩrĩ sĩrĩrẽ gããmekã musã! Yũ musãrẽ i ããrĩpereri nemorõ õãrĩrẽ weregũra.

13

Gãme maĩrĩmarẽ gojadea

¹ Marĩ gaji masã ya werenĩrĩrẽ werenĩmasĩkererã, Marĩpũre wereboerã ya werenĩrĩrẽ werenĩmasĩkererã, gajerãrẽ maĩbirimakũ, marĩ werenĩrĩ wajamarĩboka.

Kōme majī pábiramakū busurosū marī werenírī busukōãbokoá. ² Marīp̄ marīrē weredorerosū òãrō weremasīkererã, gajerãrē maĩbirimakū, marī wereri wajamarībokoá. Æãrīpererire masīkererã, Marīp̄yare masaka dupuyurogue masĩbiridea Æãrīpererire pémasīkererã, gajerãrē maĩbirimakū, marī masírī wajamarībokoá. Marīp̄are b̄remurī marīrē ĩgū sírī merã buúrure gajerogue waadoremásīkererã, gajerãrē maĩbirimakū, marī b̄remurī merã iriri wajamarībokoá. ³ Marī opari Æãrīpereri boporãrē síkererã, ĩgūsãrē maĩbirimakū, marī iriri wajamarībokoá. Marīp̄yare marī iridea waja marīya dup̄are masaka soekerep̄ur̄, marī gajerãrē maĩbirimakū, Marīp̄ marīrē: “Òãrō irib̄”, Ærīb̄biribokumi.

⁴ Marī gajerãrē maĩrã, mata ĩgūsã merã guaña máa. ĩgūsãrē bopoñarī merã òãrō yáa. ĩgūsãrē ĩãturiña máa. “Īgūsã nemorō òãgū Æãrã”, Ærīmasĩña máa. “Īgūsã nemorō masítarinugãgū Æãrã”, Ærīmasĩña máa. ⁵ Marī gajerãrē maĩrã, ĩgūsãrē b̄remurī merã keoro werea. Marīya Æãrīb̄uri direta gũñabea. Īgūsãya Æãrīb̄uridere gũñáa. ĩgūsãrē guari merã wereña máa. ĩgūsã marīrē ñerō irimakū, yoaripoe ĩgūsã merã guaníña máa. ⁶ Gajerãrē maĩrã, ĩgūsã ñerō irimakū ĩãrã, usuyamasĩña máa. Diayema gap̄are ĩgūsã irimakū ĩãrã, usuyáa. ⁷ Marī gajerãrē maĩrã, ĩgūsã ñerō irimakū ĩãrã, masakare neō kere werebea. Gajerã ĩgūsãrē werew̄akerep̄ur̄, marī ĩgūsãrē b̄remurīrē neō piribirikoa. “P̄ur̄ogue ĩgūsãde òãrī gap̄are irirãkuma”, Ærī gũñáa. ĩgūsã iriri merã marī ñerō tarikererã, ĩgūsãrē maĩsĩã, neō piribeá.

⁸ Marĩ gãme maĩrĩ neõ perebirikoa. Marĩpũ weredorerosũ wereri gapũ pererokoa. Gaji masã ya merã marĩ werenĩrĩde pererokoa. Marĩpũyare masĩrĩ merã õãrõ wereride, pũrugue pererokoa. Iri irasũ waamakũ, marĩ masĩdero nemorõ ããrĩpererire masĩrãkoa. ⁹ Daporare marĩ ããrĩpereri Marĩpũyare masĩbea. Īgũ weredorerosũta Īgũ masĩrĩ sĩrĩ merã werekererã, ããrĩpereri Īgũyare weremasĩbea. ¹⁰ Pũrugue Jesucristo Marĩpũyare masĩpeogu aarimakũ, marĩ masĩbirideare masĩpeorãkoa.

¹¹ Yũ majĩgũ ããrĩgũ, majĩrã irirosũ gũñarĩ marĩrõ werenĩ, Īgũsã irirosũta iriunabu. Yũ bugoro waagũ, majĩrã irirosũ ããrĩdeare pirikõãbũ. ¹² Daporare Marĩpũyare marĩ õãrõ masĩbea. Diuru bugoro merã marĩ ãĩnamakũ õãrõ deyomarĩrõ irirosũ ããrã. Oãrõ deyobea. Pũrũ õãrõ deyorogue Marĩpũre ĩãrãkoa. Daporare marĩ ĩgũrẽ sĩrũgã masĩa. Pũrũ Marĩpũ marĩrẽ masĩpeorosũta marĩde masĩpeorãkoa.

¹³ Daporare urre wãĩ ããrã: Marĩpũre buremurĩ, Īgũ marĩrẽ õãrõ irigukumi, ãrĩ usuyari, marĩ gãme maĩrĩ ããrã. Iri urre wãĩ neõ perebirikoa. Gãme maĩrĩ gapũ gaji nemorõ õãrĩ ããrã.

14

Gaji masã ya werenĩrĩ merã marĩ werenĩmasĩbirikererã werenĩrĩmarẽ gojadea

¹ Gajerãrẽ maĩnemoka! Irasũ ããrĩmakũ, Marĩpũyare Oãgũ deyomarĩgũ mũsarẽ irimasĩrĩ sĩrĩrẽ gããmekal! ããrĩpereri Īgũ irimasĩrĩ sĩrĩrẽ gũñarã, gaji nemorõ Marĩpũ weredorerosũ

weremasĩrĩ gapũre bũro gããmekā! ² Sugũ gaji masã ya werenĩrĩ merã werenĩmasĩbirikeregũ werenĩmakũ, Marĩpũ dita ĩgũ werenĩrĩrẽ pėmi. Masaka gapũ ĩgũ werenĩrĩrẽ pėbema. Ōãgũ deyomarĩgũ turari merã Marĩpũyare masĩña marĩdeare werenĩmi. ³ Marĩpũ weredorerosũ weregũ gapũ masakare weremi. ĩgũ wereri pėrãrẽ Jesucristore bũremunemomakũ yãmi. ĩgũ wereri merã ĩgũsãrẽ ōãrõ ããrĩrikũmakũ, ōãrõ yũjũpũrãkũmakũ yãmi. ⁴ Gaji masã ya werenĩrĩ merã werenĩmasĩbirikeregũ werenĩgũ ĩgũ basi Jesucristore bũremunemogũ yãmi. Marĩpũ weredorerosũ weregũ gapũ gajerã Jesucristore bũremurãrẽ ĩgũrẽ bũremunemomakũ irigũ yãmi.

⁵ Gaji masã ya werenĩrĩ merã mũsã werenĩmasĩbirideare ããrĩpererã mũsã werenĩmasĩmakũ gããmea yũ. Iri nemorõ Marĩpũ weredorerosũ mũsã weremakũ bũro gããmea. Marĩpũ weredorerosũ weregũ gapũ, gaji masã ya werenĩrĩ merã werenĩgũ nemorõ masakare iritamugũ ããrĩmi. Irasũ ããrĩkerepũrũ, gaji masã ya werenĩrĩrẽ pėgũ: “Āsũ ãrĩdũaro yãa”, ãrĩ weremakũ ōãgorãa. ĩgũ irasũ ãrĩ weregũ, Jesucristore bũremurãrẽ ĩgũrẽ bũremunemomakũ irigũ yãmi. ⁶ Yaarã, yũ mũsã pũroguē waagũ, gaji masã ya werenĩrĩ merã werenĩgũ, mũsãrẽ iritamubiribokoa. Marĩpũ ĩgũyare yũre masĩmakũ irideare weregũ, ĩgũya diayema kerere masĩrĩ merã weregũ, ĩgũ yũre weredorerire weregũ, ĩgũyare mũsãrẽ buegũ, mũsãrẽ iritamubokoa.

⁷ Keori merã mũsãrẽ weregũra. Těrẽdirure keoro puribirimakũ, o arpa wãĩkũro bũapũtěrõde

keoro buaputēbirimakū, iri wāi bayari āārīkoa, ārīmasīña máa. ⁸ Surara gāmewējērā waaburi dupuyuro sug_u ĩgūsā merām_u puridirure keoro puribirimakū, gajerā surara ĩgūsā mojōkuburire āmubirikuma. ⁹ Musāde irasūta āārā. Musā gaji masā ya werenírī merā werenímakū pérā: “Āsū ārīrā irikuma ĩgūsā”, ārīmasībirikuma. Irasirirā musā ubugorata werenímoāmākōārā irikoa. ¹⁰ I ũm_uguere wári buri marā āārīma. ĩgūsā basi ĩgūsā werenírīrē pémasīma. ¹¹ Yu gaji masā ya werenírī merā werenígūrē pébi: “Gajerom_u āārīmi”, ārī gūñagukoa. ĩgūde y_u gaji masā ya werenírī merā werenímakū pébi y_ure: “Gajerom_u āārīmi”, ārī gūñagukumi. ¹² Irasūta āārā musādere. Musā Ōāgū deyomarīgū turaro merā irimasīrī sīrīrē gāāmea. Irasirirā gajerā Jesucristore buremurārē ĩgūrē buremunemomakū irimasīrīrē buro gāāmeaka!

¹³ Irasirig_u sug_u gaji masā ya werenírī merā werenímasībirikereg_u werenígūno Marīpure: “Yu werenírīrē gajerārē: ‘Āsū ārīduaro yáa’, ārī weremakū iritamuka y_ure!” ārī sērēburo. ¹⁴ Yu gaji masā ya werenírī merā werenímasībirikereg_u werenírī merā Marīpure sērēgū, Ōāgū deyomarīgū gūñarī sīrī merā sērēa. Irasū sērēkereg_u, gūñarī merā y_u sērēadeare: “Āsū ārīduaro irikoa”, ārī pémasībirikoa. ¹⁵ Irasirirā āsū iriro gāāmea. Ōāgū deyomarīgū turari merā gaji masā ya werenírī merā Marīpure sērērō gāāmea. Irasū āārīmakū, pémasīrī merā marī ya werenírī merā Marīpure sērērō gāāmea. Ōāgū deyomarīgū turari merā gaji masā ya werenírī merā Marīpure

bayapeoro gāāmea. Irasū āārīmakū, pémasīrī merā marī ya werenírī merā Marīp̄ure bayapeoro gāāmea. ¹⁶ Marī Ōāgū deyomarīgū turari merā gaji masā ya werenírī merā Marīp̄ure us̄uyari s̄ikerep̄uru, marī merā āārīrā pébiribokuma. Īgūsā irire pémerā: “Irasūta āārā”, ārī, marī merā Marīp̄ure us̄uyari s̄ibiribokuma. ¹⁷ Marī gaji masā ya werenírī merā Marīp̄ure us̄uyari s̄irī ōāgorāa. Irasū āārīkerep̄uru, marī merā āārīrā gap̄u marī werenírīrē pébirimakū, marī Īgūsārē Jesucristore b̄uremunemomakū iribirikoa. ¹⁸ Gaji masā ya werenírī merā werenímas̄ibirikereḡu werenírīrē yuta musā āārīpererā nemorō werenía. Irire irisīā, Marīp̄ure us̄uyari s̄ia. ¹⁹ Irasū āārīkereḡu, Jesúre b̄uremurā nerērōgue gaji masā ya werenírī merā wári musā pébirire yu weremakū musārē ōābirikoa. Musā pémasīrīrē yu mérīgā weremakū gap̄u, musārē ōārokoa.

²⁰ Yaarā, majīrā pémasīmerā irirosū gūñabirikōāka! M̄urā irirosū ōārō pémasīrī merā gūñaka! N̄erō iriri gap̄ure majīrāgā gūñamerā irirosū āārīka! ²¹ Marīp̄uya werenírī gojadea p̄ūgue āsū ārī gojasūdero āārībú: “Marī Op̄u āsū ārīmi: ‘Gajero marārē Īgūsā ya werenírī merā i makā marārē weredoreḡura. Yaare Īgūsārē irasū weredorekerep̄uru, i makā marā yure neō b̄uremubirikuma’, ārīmi marī Op̄u”, ārī gojasūdero āārībú. ²² Irasiriḡu Marīp̄u gajero marārē Īgūsā ya werenírī merā Īgūrē b̄uremurārē weredoreḡu, Īgūsā Īgūrē b̄uremubirire ĩmumi. Īgūrē b̄uremurā gap̄ure irasiribemi. Īgūyare Īgū weredorerosū wererā merā Īgūsārē weremi.

23 Irasirirã mʘsã Jesúre bʘremurã nerẽrõgue gaji masã ya werenírĩ merã werenímasĩbirikererã werenírĩrẽ mʘsã ããrĩpererã wereníbokoa. Mʘsã irasũ werenímakũ, Marĩpʘyare masĩmerã, gajerã Jesúre bʘremumerãde ñajãjabokuma. Mʘsã irasũ werenírĩrẽ pérã, mʘsãrẽ: “Niãrĩmasã ããrĩma”, ãrĩbokuma. 24 Mʘsã ããrĩpererã Marĩpʘ weredorerosũ weremakũ Marĩpʘyare masĩbi, Jesúre bʘremubide ñajãri pégu, ìgũ ñerõ irideare masĩgukumi. Irasirigũ ìgũ ñerĩ irideare bʘjaweregukumi. 25 Ìgũ gũñarĩgue ñerõ: “Ñerĩrẽ gũñayo yʘ”, ãrĩ pémasĩgukumi. Irasirigũ ñadukʘpuri merã ejamejã, Marĩpʘre: “Yʘ Opʘ ããã”, ãrĩ bʘremugukumi. Irasũ ããrĩmakũ: “Marĩpʘ diayeta mʘsã merã ããrĩmi”, ãrĩ masĩgukumi.

*Mʘsã nerẽrã, goepeyari merã õãrõ keoro irika!
ãrĩ gojadea*

26 Yaarã, mʘsãrẽ ãsũ ãrĩ werea. Mʘsã nerẽmakũ, surãyeri Marĩpʘre bayapeoma. Gajerã Marĩpʘyare buema. Gajerã Marĩpʘ ìgũyare ìgũsãrẽ masĩmakũ irideare werema. Gajerã gaji masã ya werenírĩ merã werenímasĩbirikererã wereníma. Gajerã iri werenírĩrẽ: “Ãsũ ãrĩdʘaro yãa”, ãrĩ werema. Irasirirã ããrĩpereri irire mʘsã Jesúre bʘremurã õãrõ keoro irika, mʘsã ìgũrẽ bʘremunemoburosũta! 27 Irasirirã gaji masã ya werenírĩ merã werenímasĩbirikererã werenírã, pérã, o ʘrerã wereníburo. Sugʘ werení odoadero pʘrʘ, gajigʘ wereníburo. Pʘrʘ gajigʘ ìgũsã werenírĩrẽ: “Ãsũ ãrĩdʘaro yãa”, ãrĩ wereburo. 28 Mʘsã nerẽmakũ, ìgũsã werenírĩrẽ: “Ãsũ ãrĩdʘaro

yáa”, ãrĩ werebu marĩmakũ, gaji masã ya merã werenĩbirikõãburo. Īgũsã seyaro ĩgũsã gũñarĩgue Marĩpũ merã werenĩburo. ²⁹ Marĩpũ weredorerosũ wererãde, pẽrã, o Ƴrerã wereburo. Irasũ keoro weremakũ pẽrã, gajerã ĩgũsã wererire: “Diayeta Marĩpũya kereta ããrã”, ãrĩburo. ³⁰ Mũsã nerẽrõgue sugũ weremakũ, Marĩpũ gajigũre irogue doagũre weredoremakũ, werepũroriadi gapũ toeburo. ³¹ Mũsã irasũ irirã, mũsã ããrĩpererã Marĩpũ weredorerosũ weremasĩrãkoa. Sugũ werepũroriadi were odoadero pũrũ, gajigũ werewãgãnaburo. Irasirimakũ, ããrĩpererã pé, õãrõ yũpũrãkũrãkuma. ³² Marĩpũ weredorerosũ wererã mũsã wereburi dupuyuro: “¿Naásũ ããrĩmakũ irire wererãkuri?” ãrĩ gũñapũroriro gããmea. ³³ Marĩ nerẽmakũ, Marĩpũ marĩrẽ keoro irimakũ gããmemi. Noó gããmerõ iriro marĩrõ Ƴsayari merã nerẽmakũ gããmemi. ããrĩpererogue Jesúre bũremurã nerẽrãrẽ irasũ dita irimakũ gããmemi.

³⁴ Jesúre bũremurã nerẽmakũ, nome werenĩbirikõãburo. Nomerẽ werenĩdoreri máa. Werenĩrõnorẽ irirã, Marĩpũya werenĩrĩ gojadea pũgue dorederosũta õãrõ péro gããmea. ³⁵ Jesúre bũremurã nerẽmakũ, sugo nomeõ werenĩgõ, gũyasĩũrõ iribokumo. Irasirigo igo gajino õãrõ pébiradeare masĩduago igoya wiĩgue igo marãpũre sêrẽñaburo.

³⁶ Ire mũsã masĩka! Mũsã Marĩpũya kerere werepũrorinerã ããrĩbea. Irasũ ããrĩmakũ, mũsã dita ĩgũyare bũremurã ããrĩbea. Gajerãde ĩgũrẽ bũremurã ããrĩma. ³⁷ Sugũ mũsã merãmu: “Yũ Marĩpũ weredorerosũ weregũ ããrã”, ãrĩ gũñagũ,

o gajigu: “Y_H Ōãgũ deyomarĩgũ irimasĩrĩ sĩrĩrẽ opáa”, ãrĩ gũñagũ, i y_H m_Hsãrẽ gojarire: “Marĩ Op_H doreri ããrã”, ãrĩ masĩg_Hkumi. ³⁸ Y_H gojarire: “Marĩ Op_H doreri ããrĩbea”, ãrĩmakũ, ĩgũrẽ: “Marĩp_Hyare wereg_H ããrĩbemi”, ãrĩka!

³⁹ Yaarã, Marĩp_H weredorerosũ weremasĩrĩrẽ b_Hro gããmeke m_Hsã! M_Hsã merãmarãrẽ ĩgũsã gaji masã ya merã werenĩmasĩbirikererã werenĩmakũ: “Werenĩmerãta!” ãrĩbirikõãka! ⁴⁰ M_Hsã nerẽrã, noó gããmerõ iribirikõãka! Goepeyari merã ããrĩpereri m_Hsã iririre õãrõ keoro irika!

15

Cristo masãdeare gojadea

¹ Yaarã, y_H m_Hsãrẽ iripoegue weredeae, Jesu-cristo masakare tauri kerere daporare gũñamakũ gããmea. M_Hsã irire pérã, b_Hremub_H. Daporadere irire b_Hremuníkõãa. ² M_Hsã iri kerere b_Hremusĩã, peamegue waamurã meta ããrã. Iri kerere m_Hsãrẽ y_H weredeare b_Hremurĩrẽ piribirimakũ, Marĩp_H m_Hsãrẽ taug_Hkumi. M_Hsã iri kerere b_Hremubirinerã, diayeta tausũbiribokoa.

³ Y_Hre buedeare m_Hsãrẽ weretaub_H. Iri bueri, gaji bueri nemorõ õãtaria. ãsũ ããrã. Marĩp_Hya werenĩrĩ gojadea pũgue gojaderosũta Cristo marĩ ñerõ iridea waja marĩrẽ boabosadi ããrĩmĩ.

⁴ ĩgũ boadero p_Hr_H, ĩgũrẽ yáanerã ããrĩmã. P_Hr_H Marĩp_Hya werenĩrĩ gojadea pũgue gojaderosũta mren_H waaró merã Marĩp_H ĩgũrẽ masũdi ããrĩmĩ.

⁵ ĩgũrẽ masũdero p_Hr_H, Cristo Pedrore deyoayur_H. P_Hr_H ĩgũ buedoreg_H pĩnerã, pe mojõma pere su gubu peru pẽrẽbejarãrẽ deyoayur_H. ⁶ P_Hr_H

suñarõ wárã quinientos masaka nemorõ ãgũrẽ b̃remurãrẽ deyoayupũ. Wárã ãgũrẽ ãnerã okama dapa. Gajerã boasianerã ããrĩmá. ⁷ Pũrũ Santiagore deyoayupũ. Iro pũrũ ããrĩpererã ãgũ buedoregũ pĩnerãrẽ deyoayupũ.

⁸ ããrĩpererã gajerãrẽ ãgũ deyoadero pũrũ, yũdere deyoatũnumi pama. Majĩgũgã keoro deyoabigã deyoadi irirosũ yũ ããrĩkeregũ, Jesúre b̃remutuyáa. ⁹ ãgũ yũre deyoaburi dupuyurogue ãgũrẽ b̃remurãrẽ ñerõ irigorenabũ. Irasirigũ gajerã Jesús buedoregũ pĩnerã ããrĩpererã dokague ããrã. Masaka yũre: “ãgũ Jesús buedoregũ pídi ããrĩmi”, ãrĩmakũ: “Yũ Jesús buedoregũ píbodi ããrĩbiradibũ”, ãrĩ gũñáa. ¹⁰ Irasũ ããrĩkerepũrũ, Marĩpũ yũre õãrõ iritamumi. Irasirigũ Jesucristo yũre ãgũyare buedoregũ pími. Marĩpũ yũre ubugora õãrõ iritamugũ meta yámi. Yũ ããrĩpererã gajerã Jesucristo buedoregũ pĩnerã nemorõ moãa. Yũ gũñarĩ merã irasiribea. Marĩpũ yũre õãrõ iritamugũ, yũ merã ããrĩníkõãmi. Yũre ãgũ iritamurĩ merã õãrõ moãmakũ yámi. ¹¹ Yũ bueri, gajerã Jesucristo buedoregũ pĩnerã bueri irirosũta ããrã. Gũa ããrĩpererã Jesucristo boa, masãdea kerere buea. I kerere pérã, mũsã ãgũrẽ b̃remunũgãbũ.

Boanerã masãburire gojadea

¹² Gũa, Cristo boa, masãdeare buekerepũrũ, gajerã mũsã merã ããrĩrã: “Boanerã neõ masãbirikuma”, ãrĩma. ¿Nasirirã irasũ ãrĩrĩ ire? ¹³ Boanerã masãburi marĩmakũ, Cristode masãbiribodi ããrĩmi. ¹⁴ Cristo masãbirimakũ, gũa bueri neõ wajamarĩbokoa. Mũsã ãgũrẽ b̃remurĩde wajamarĩbokoa. ¹⁵ Marĩpũ boanerãrẽ

masūbi, Cristodere masūbiribodi āārīmí. Īgū irasū iribirimakū, gḥa: “Marīpḥ Cristore masūdi āārīmí”, āārā, āārigatorā iribokuyo. ¹⁶ “Boanerā masābirikuma”, Īgūsā āārī diaye āārīmakū, Cristode masābiribodi āārīmí. ¹⁷ Cristo masābirimakū, Īgūrē mḥsā bḥremurī wajamarībokoa. Irasirirā mḥsā ḥērī iridea waja, waja opakōābokoa dapa. ¹⁸ Diayeta i irasū āārīmakū, Cristore bḥremurā boanerā, Īgūrē bḥremubirinerā peamegue waamurā irirosū āārībokuma. ¹⁹ Marī Cristore bḥremurā: “Marī okarinḥrī dita Īgū merā oārō āārīrākoa. Marī boadero pḥrḥ masāburire masīḥa maa”, āārī gūḥarā, āārīpererā masaka nemorō boporā āārībokoa.

²⁰ “Cristo boadero pḥrḥ, masādi āārīmí”, āārī gapḥ diaye āārā. Marī āārīpererā masaka boadero pḥrḥ masāburi dupuyuro masāpḥroridi āārīmi. ²¹ Āsū āārā. Neōgorague āārīpḥroridi Adán ḥērī iripḥroridea waja marī masaka āārīpererā boamurā dita āārā. Pḥrḥ Jesucristo oārīrē iripeodea waja marī boadero pḥrḥ masārākoa. ²² Marī masaka āārīpererā Adán parāmerā āārīturiarā āārīrī waja boamurā dita āārā. Cristoyarā marī āārīmakū, marī boadero pḥrḥ, Marīpḥ marī āārīpererārē masūgukumi. ²³ Marīpḥ marīrē keoro masūgukumi. Cristo masāsiadi āārīmí. Pḥrḥ Īgū i ūmḥgue dupaturi aarimakū, marī Īgūyarā āārīsīā, masārākoa. ²⁴ Irasū waamakū, i ūmḥ pereakōārokoa. Irinḥrē Cristo āārīpererā ḥērārē: oparārē, dorerārē, turarārē béogukumi. Īgū irasiriadero pḥrḥ, Īgū Pagḥre Īgū āārīpererā Opḥ āārīrīrē wiagukumi.

25 Īgũ wiaburi dupuyuro Marĩpũ Cristore ĩaturirã ããĩpererãrẽ bėogukumi. Īgũsãrẽ bėoburi dupuyuro Marĩpũ gããmederosũta Cristo ããĩpererã Opũ ããĩĩgũkumi. 26 ããĩpererã ĩgũrẽ ĩaturirãrẽ bėodero pũrũ, boaridere peremakũ irigũkumi. 27 Marĩpũ ĩgũya werenĩrĩ gojadea pũgue ãrĩderosũta Cristore ããĩpererãrẽ doregũ, ããĩpererire opagũ ããĩĩmakũ iridi ããĩĩmĩ. Irasũ ãrĩrõ: “Marĩpũ weka doregũ Cristo ããĩĩmĩ”, ãrĩduaro meta yãa. Marĩputa ããĩpererire, ããĩpererãrẽ Cristo dokague pĩdi ããĩĩmĩ. 28 Marĩpũ ĩgũrẽ irasiri ododero pũrũ, Cristo Marĩpũ magũ ĩgũ ããĩpererãrẽ doregũ, ããĩpereri opagũ ããĩĩrĩrẽ Marĩpũre wiagũkumi. Irasirigu Marĩpũ ããĩpereri, ããĩpererã Opũ ããĩĩgũkumi.

29 Gaji ããrã. “Boanerã masãbirikuma”, ĩgũsã ãrĩkerepũrũ, ĩnasirirã gajerã masaka boanerãya ããrĩburire wãĩyebosayuri? Īgũsã: “Boanerã masãbirikuma”, ãrĩrã, ĩgũsãya ããrĩburire wãĩyebosabiribokuma.

30 Gũa: “Boanerã masãrãkuma”, ãrĩ bueri waja ãmũrikũ gajerã gũare ñerõ iridũama. Gũare ĩgũsã ñerõ iridũakerepũrũ, boanerã masãburire masĩsã, irire buenĩkõãa. 31 Yaarã, i diayeta ããrã. Marĩ Opũ Jesucristore mũsã bũremumakũ ĩãgũ, yũ bũrõ usuyãa. Ide diayeta ããrã. Ũmũrikũ: “Masaka yũre wẽjẽkõãrãkuma”, ãrĩ pẽńãa. 32 Yũ Jesucristoya kerere bueri waja Efesoguere makãnũũ marã yãa bũrõ guarã irirosũ ããrĩrã, yũre ñerõ irima. “Boanerã masãbirikuma”, ĩgũsã ãrĩrĩ diaye ããĩĩmakũ, yũ irogue bueri waja ñerõ taridea wajamarĩbokuyo. “Boanerã masãbirikuma”, ĩgũsã ãrĩrĩ diaye ããĩĩmakũ, marĩde gajerã irirosũ

āsū ārī wereníbookoa: “Náka baa, iirírā! Nāmīgā boakōābookoa. Irasirirā marī boaburi dupuyuro marī gāāmerō irirā!” ārībookoa.

³³ Gajerā ārīgatorire pébirikōāka! Masaka āsū ārī werewhakuma: “Nērārē wapikarā, musā ōārō iririkarire pirikōārākoa”. ³⁴ Irasirirā musā dupuyurogue gopeyari merā keoro iriderosūta irika doja! Nērērē irinemobirikōāka! Musā surāyeri Marīp̄re masībea. Musārē ḡyasīrīdoreḡ irasū ārā.

Boanerā masāburire gojanemodea

³⁵ Gajipoe suḡ āsū ārī sērēñabokumi: “¿Nasiri boanerā masārākuri? ¿Naāsūperi dup̄ oparākuri?” ārībokumi. ³⁶ Irasū sērēñaḡ pémasībi āārīmi. Marī oteri yeri otedero p̄r̄, iri yeri puriburi dupuyuro yeba poekague boakōākoa. Boa, p̄r̄ puri wirikoa. Boabirimakū, neō puri wirimasībirikoa. ³⁷ Marī oterā, puridiguere āi otebea. Dupayeri direta otea. Iri yeri trigo yeri āārīrō, o gaji yeri āārīrō āārīkoa. ³⁸ Iri yerire marī otedero p̄r̄, Marīp̄ gap̄ īḡ gāāmederosūta iri yerire purimakū yāmi. Irasiriḡ ojuduka yerire ojudukañu waamakū yāmi. Trigo yerire trigo sari waamakū yāmi. Irasū dita yāmi Marīp̄. ³⁹ Āārīpererā okari oparā s̄rosū dup̄karā āārībema. Masakaya dup̄, waim̄rāya dup̄ irirosū āārībea. Mirāya dup̄, waaiya dup̄ irirosū āārībea. ⁴⁰ Ūmarō marāya dup̄, i ūm̄ marāya dup̄ irirosū āārībea. Ūmarō marā ōārī dup̄ opama. I ūm̄ marā, ūmarō marā irirosū āārībirikererā, īḡsāde ōārī dup̄ opama. ⁴¹ Abe ūm̄m̄ k̄mijūrī merā asimi. Nāmim̄ irirosū boyobemi. Neñukāde gajerosūperi gosema. Neñukārē

marĩ ãmakũ, gajerã sĩrũgã goserã deyoma. Gajerã buro goserã deyoma.

⁴² Marĩ boanerã masãrã ãsũ ããrĩrãkoa. Marĩ boamakũ yáadero puru, marĩya dupu boarokoa. Puru masãrã, gaji dupu neõ boabiri dupu oparãkoa. Irasirirã neõ dupaturi boabirikoa. ⁴³ Marĩya dupure yáamakũ, boanerãya dupu boari dupu, tura-biri dupu daro ããrã. Marĩpu marĩrẽ masũmakũ, marĩya dupu õãrĩ dupu, turari dupu ããrĩrokoa. ⁴⁴ Marĩya dupure yáamakũ, marĩya dupu i mũma dupu ããrã. Marĩ boanerã masãmakũ, marĩya dupu mũugasima dupu ããrĩrokoa. Irasirirã ãsũ ãrĩ masĩa. Daporare marĩ i mũma dupure opáa. Puru mũugasima dupure oparãkoa.

⁴⁵ Marĩpuya werenĩĩ gojadea pũgue ãsũ ãrĩ gojasũdero ããrĩbũ: “Marĩpu ĩgũ iripuroridi Adãrẽ okarire sĩdi ããrĩmĩ”, ãrĩ gojasũdero ããrĩbũ. Adán purumu Jesucristo gapu perebiri okarire sĩgũ ããrĩmĩ. ⁴⁶ Marĩ i mũma dupure opapuroria. Puruguerẽ mũugasima dupure oparãkoa. ⁴⁷ I mũgue ããrĩpuroridi Adán, nikũ merã irisũdi ããrĩmĩ. ĩgũ purumu marĩ Opu Jesucristo gapu mũugasiguemũ ããrĩmĩ. ⁴⁸ Adán nikũ merã iridea dupu dupukũderosũ marĩ ããrĩpererã nikũ merã iridea dupu dupukũ. Irasũ ããrĩmakũ, mũugasiguemũ Jesucristoyarã ããrĩsĩa, ĩgũya dupu irirosũ dupukũrãkoa. ⁴⁹ Adán nikũ merã irisũdi ããrĩmĩ. Marĩ ĩgũ irirosũ dupukũ. Puru mũugasiguemũ Cristo irirosũ dupukũrãkoa.

⁵⁰ Yaarã, musãrẽ ire werea. Marĩrẽ i mũma dupu merã mũugasigue Marĩpu ĩgũyarãrẽ dorerogue neõ waamasĩa máa. I mũma boaburi dupu merã mũugasigue perebiri okari ããrĩõguere

neõ waamasĩna máa. ⁵¹⁻⁵² Masaka masĩbirideare daporare musãrẽ weregura. Jesucristo i ãmugue dupaturi aariburi dupuyuro ããrĩpererã ãgũyarã boabirikuma. Jesucristo aariripoe Marĩpũre wereboegũ puriduru puritũnugakumi. Irasũ puriadero pũũ, mata kãrĩ yoberã irirosũ marĩ ããrĩpererã Jesucristore buremurã gorawayurãkoa. Marĩ boanerã gaji dupũ boabiri dupũ merã masãrãkoa. Irasirirã neõ dupaturi boabirikoã. Okarãde gaji dupũ boabiri dupũ oparãkuma. ⁵³ Marĩpũ marĩya dupũ pereburi dupũre gorawayugakumi, perebiri dupũre opaburo, ãrĩgũ. Marĩya dupũ boaburi dupũre gorawayugakumi, neõ boabiri dupũre opaburo, ãrĩgũ. ⁵⁴ Marĩya dupũ pereburi dupũ, neõ perebiri dupũre gorawayumakũ, marĩ boaburi dupũ, neõ boabiri dupũre gorawayumakũ, Marĩpũya werenĩrĩ gojadea pũgue ãrĩderosũta waarokoa. ãsũ ãrĩ gojasũdero ããrĩbũ iri pũguere: “Marĩpũ boarire béokõãmi, dupaturi marĩrẽ neõ boabirikõãburo, ãrĩgũ. ⁵⁵ Marĩ boakõãrãkoa, ãrĩ gũidea pereakõãã”, ãrĩ gojasũdero ããrĩbũ. ⁵⁶ Marĩ ñerõ iridea waja boamurã dita ããrã. Marĩpũ Moisére doreri pídea merã marĩ ñerõ irideare masĩa. ⁵⁷ Irasũ ããrĩkererũũ, Marĩpũ marĩ Opũ Jesucristo iridea merã marĩrẽ peamegue waabonerãrẽ taumi. Irasirirã Marĩpũre: “Õãtaria mũ”, ãrĩ, usuyari sĩa.

⁵⁸ Irasirirã, yaarã yũ maĩrã, musãrẽ ãsũ ãrĩ weregura. Musã marĩ Opũ Jesucristore buremurĩrẽ neõ piribirikõãka! Gajerã musãrẽ ãgũyare béodoremakũ, neõ béobirikõãka! Ëmurikũ ãgũ moãdorerire õãrõ irinikõãka! Ire marĩ masĩa.

Īgū merā marī ōārō āārīrā Īgū marīrē moādorerire irimakū, marī moārī, ubu āārīrī neō āārībea.

16

Corinto marā gajerā Jesúre b̄remurārē niyeru sīburi neeōrīrē gojadea

¹ Daporare m̄sārē niyeru neeō, m̄sā gajerā Jesúre b̄remurārē sīburi weregura. Ȳu gajerā Jesúre b̄remurārē Galacia nikūgue āārīrārē dorederosūta m̄sāde irika! ² Semanariku siuñajārīnu* āārīmakū, āārīpererā m̄sā gajerā Jesúre b̄remurārē sīburi niyerure dukawa duripíka! MÉRŏgā oparā mÉRŏgā dukawa duripíka! Waaweyaro oparā waaweyaro dukawa duripíka! Irasirirā, ȳu m̄sā p̄rogue ejamakū, m̄sā sīburi opasiarākoa. ³ Ȳu m̄sā p̄rogue ejagu, m̄sā beyenerārē Jerusalēgue iriugukoa. PAPERa p̄gue āsū ārī gojagukoa: “Īsā āārīma Corinto marā beyenerā”. Irasū ārī goja odo, Īgūsā merā iri pūrē, m̄sā duripí neeōdea niyerure iriugukoa, Jesúre b̄remurā Jerusalēgue āārīrārē sīdoregu. ⁴ M̄sā yure: “Īgūsā merā waamakū gāāmea”, ārīmakū, Īgūsā ȳu merā waarākuma.

Pablo Īgū Corintogue waaburire gojadea

⁵ Ȳu m̄sā p̄rogue waagú, Macedonia nikūgue waapurorigukoa. Irore tariwāgā, m̄sā p̄ro waagukoa. ⁶ Gajipoe irigu yoaweyaripoe m̄sā merā āārīgukoa, o gajipoe irigu puibure āārīpeogu, āārīpeokōābokoa. Irasirirā m̄sā ȳu gajerogue

* **16:2** Jesúre b̄remurāya siuñajārīnu, domingo āārā. Domingo āārīmakū, Jesús boadigue masādi āārīmí. Irasirirā, domingo āārīmakū, Īgūrē b̄remurā nerēnama.

waaburire iritamumasĩrãkoa. ⁷ Yũ mũsãrẽ ãĩrĩ dita ãĩtariadũabirikoa. Irasirigũ marĩ Opũ gããmemakũ, yoaripoe mũsã merã ããĩĩgũkoa. ⁸ Pentecostés bosenu ããĩĩmakũ, õõ Efesogueta taugũkoa dapa. ⁹ Õõguere wári moãrĩ ããrã. Marĩ Opũya kerere pẽduarã wãrã ããĩĩma. Irasũ ããĩĩmakũ, yũ irire weremakũ kãmutadũarãde wãrã ããĩĩma.

¹⁰ Timoteo mũsã pũrogue ãĩgũ ejamakũ, ãĩgũrẽ õãrõ merã bokatĩrĩ, õãrõ mũyari merã ñeãka! Mũsã irasirimakũ, ãĩgũ mũsã merã bũjawereri marĩrõ ããĩĩgũkumi. ãĩgũ yũ irirosũ marĩ Opũyare moãmi. ¹¹ Irasirirã ãĩgũrẽ irasũ ããbẽomerãta õãrõ merã ãĩgũrẽ iritamuka! Mũsã irasirimakũ, ãĩgũ yũ pũrogue õãrõ mũyari merã goedujarigũkumi. Gajerã Jesũre bũremurã merã gũã ãĩgũrẽ yũrã yãa. Irasirirã, ãĩgũ õõgue aariburire iritamuka!

¹² Apolore marĩyagũ Jesũre bũremugũrẽ mũsãrẽ ãĩgũ waamakũ bũro gããmeadibũ. Irasirigũ ãĩgũrẽ gajerã Jesũre bũremurã merã waadoreadibũ. Yũ waadorekererũ, ãĩgũ daporare waadũabemi. Pũũ ãĩgũrẽ gajino iriri marĩmakũ, mũsã pũrogue waagũkumi.

Pablo Corinto marãrẽ õãdoretũnudea

¹³ Õãrõ pẽmasĩka! Jesucristore bũremurĩrẽ neõ piribirikõãka! Gũiri marĩrõ õãrõ gũñaturarã ããĩĩka! Marĩpũ turari merã õãrõ ããĩĩrikũka! ¹⁴ ããĩĩpereri gajinorẽ irirã, gajerãrẽ maĩrĩ merã irika!

¹⁵ Yaarã, mũsã masĩa. Acaya nikũguere Estẽfanas wãĩkũgũya wii marã, gajerã iro marã Jesũre bũremupũroriburi dupuyuro ãĩgũrẽ bũremupũrorinerã ããĩĩma. ãĩgũsã, gajerã Jesũre bũremurãrẽ õãrõ iritamunĩkõãma. ¹⁶ ãĩgũsã irirosũ

irirārē òārō ìgūsā dorerire iritayaka! Gajerā ìgūsā merā Jesucristoyare moātaturārē mūsā òārō ìgūsā dorerire iritayamakū gāamea yu. ¹⁷ Mūsā merāmarā Estéfanos, Fortunato, Acaico yu péroque ejasiana. Ìgūsā yu merā āārīmakū, buro usuyáa. Ìgūsā mūsā yure iritamuboadere iritamuma. ¹⁸ Yure òārō yujupūrākumakū yáma. Mūsādere irasūta iriñurā. Mūsārē gajerā péroque ìgūsā irirosū irirārē: “Òārō irirā yáma”, ārī werero gāamea.

¹⁹ Asia nikū marā Jesúre buremurā mūsārē òādorema. Aquila, Priscila, gajerā Jesúre buremurā ìgūsāya wiigie nerēnarāde mūsārē buro òādorema. ²⁰ Òo marā Jesúre buremurā āārīpererā mūsārē òādorema. Usuyari merā gāme bokatīrī, òārō merā mojō ñeānaka!

²¹ Yu Pablo, yu basi: “Mūsārē òādorea”, ārī gojáa.

²² Marī Opure Jesucristore maibino wajamoāsūburo. “Gua Opu aarika!”

²³ Marī Opu Jesucristo mūsārē òārō iritamuburo.

²⁴ Marī āārīpererā Jesucristoyarā āārā. Irasirigu yu mūsā āārīpererārē buro maia. Āsū āārā. Irasūta āārīburo.

Iropāta āārā.

Pablo

Marĩpuya Kerere Wereri Turi New Testament in Siriano

copyright © 2009 Wycliffe Bible Translators, Inc.

Language: Siriano

Translation by: Wycliffe Bible Translators, Inc.

Copyright Information

© 2009, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Siriano

© 2009, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-08-06

PDF generated using Haiola and XeLaTeX on 11 Nov 2022 from source files
dated 29 Jan 2022
1a0774e8-d152-5929-891b-95e0d2238786